

21  
7  
9



新編排韻增廣事類氏族大全

**宮東**

佐乃木哲太郎氏  
遺書寄贈之印  
慶應義塾圖書館

**甲集**

**馬**

宮音 始平

周文王第十五子畢公高之後  
畢萬之孫食采於馮城因氏焉

能斷

馮簡子鄭大夫能斷大事鄭國將有諸侯之事與裨謀乘以適  
野使謀可否而告簡子使斷之 左襄三十一年

世宦

馮亭為秦上黨太守馮去疾為秦丞相馮無擇為秦將馮敬為  
魏騎將皆亭之後 見史記

彈鋏

馮驩躡屩見齊孟嘗君置傳舍十日君問傳舍長曰客何為曰  
馮先生甚貧猶有一劍耳又削絃彈其劍而歌曰長鋏歸來乎  
食無魚遷之幸舍食魚有魚矣又彈劍而歌曰長鋏歸來乎出

無輿迂之代舍出有輿矣又彈劍而歌曰長鉞歸來乎無以為家孟嘗君不悅後孟嘗君廢諸客皆去獨賴馮驩得復其位孟嘗君傳

白首郎官

馮唐白首為郎漢文帝輦過郎署與論將帥拜為車騎都尉子遂字王孫漢武帝求賢良公卿奉唐唐時年九十餘不能官以遂為郎亦奇士也

建節封侯

馮奉世字子明年三十孝春秋涉大義讀兵法漢宣帝時韓增奉之持節送大宛諸國客與其副嚴昌擊茲車王威振西域得名馬象龍而還元帝朝拜執金吾後賜爵關內侯居爪牙官前後十年以功名終

四子四經

馮奉世子九人而四子通四經次子野王通詩遂通易立通春秋參通尚書長子譚舉孝廉早世遂奉茂才參為黃門郎綏和中封宜鄉侯

大馮小馮

馮立字聖卿竟寧中遷五原太守徙西河上郡與兄野王相代公廉相似民歌曰大馮君小馮君兄弟繼踵相因循

萬石君

馮揚漢宣時為弘農太守八子皆為二千石趙魏間榮之號萬石君次子偃偃子伉伉子勤光武朝拜尚書僕射

大樹將軍

馮異字公孫佐漢光武中興蕪蕪亭上豆粥至南宮復進麥飯破赤眉帝降玺書勞之曰始雖垂翅回溪終能奮翼灑池可謂失之東隅收之桑榆異為人謙退諸將論功獨退居樹下軍

中號為大樹將軍。拜征西將軍，賜玺書曰：「征西功若丘山，猶自以為不足。孟之反亦何異哉！」謚節侯。

托青避世

馮信，嘉定人。公孫述徵之不起，與任末托青，青以避世。述敗，洗盥更視曰：「世適平，目即清。」獨行傳。

壯志凌雲

馮衍字敬通，幼有奇才。更始任為立漢將軍，光武即位不見用，因不得志，乃作顯志賦以自厲。又自論曰：「馮子以為夫人之德不碌碌如玉，落落如石，風與雲蒸，一龍一蛇，與道翱翔，與時變化。夫豈守一節哉！」居常慷慨，嘆曰：「衍少事名賢，經歷顯位，懷金垂紫，揭節奉使，不求苟得，常有凌雲之志。三公之貴，千金之富，不得其願，不繫於懷。」子豹。

道德彬彬

馮豹字仲文，以詩書春秋教麗山下。語曰：「道德彬彬，馮仲文也。」明帝時，卒。孝廉拜尚書郎，每奏事俯伏省闈，侍報帝令黃門持被覆之，勅令勿驚。

三葉侍中

馮魴字孝孫，光武朝，遷邲令。賊延褒攻縣，魴力戰，帝曰：「此健令也。」安帝時為司空，父子三葉侍中，兄弟並帶青紫。

羔幣聘禮

馮良字君朗，志行高潔。安帝以玄纁羔幣聘之。

八俊

馮羨，漢順帝詔遣八使巡行風俗，拜周奉為侍中，杜喬、周栩、馮羨、樂巴、張綱、郭遵、劉班並光祿大夫，分行州郡，班宣教化，奉實臧否天下，號曰八俊。

一州之寄

馮衍傳

徒令

馮道根字巨基少孤貧至孝梁天監中遷豫州刺史宴別武德殿帝曰道根所在能使朝廷不復憶此州矣性儉約所居如素貧賤世服其清遠

歲寒松柏

馮慈明仕隋為兵部尚書大業末詔令安集瀘洛為李密所執欲降之答曰直道事人有死而已遇害史云歲寒松柏疾風勁草千載之後凜凜如生誠節傳

嵩山棲遊

馮亮字靈通博覽群書篤好佛理隱居嵩山結架岩林得棲遊之適齊宣武召為羽林監領中書舍人固辭

九登科選

馮萬石唐聖曆初第進士大定初中嫉惡科神龍初中才高位下科景雲中中懷能抱器科開元初重考及第六年中超群拔

類科十三年考判入第十六年又入等二十六年中文詞壯麗科凡九登科選

諭蒙書

馮仇唐德宗朝為醴泉令縣多奸猾仇著諭蒙書十四篇勸務農進文士教以忠孝居一年韋渠牟薦為給事中遷祭酒

誦詩為友

馮道明謁雍陶時陶為簡州牧呵曰與公素昧平生道明曰誦負外詩仰負外德遂吟曰閉門客到常疑病滿院花開未是貧陶延上坐歡狎如平昔之友詩話

龍虎榜

馮宿字拱之正元中陸贄主司試明水賦宿入第一榜多天下孤雋偉傑之士號龍虎榜詳見齊姓

兔園冊

長樂老  
孔子同壽

馮道字可道本田家狀貌質野入朝數反顧任贊問刘岳岳曰  
遺下兔園冊耳在五代時歷事四朝自號長樂老著書數萬言  
年七十三卒人稱與孔子同壽

玄武湖

馮延魯南唐人說於仕進然喜言高退事曰玄宗賜賀監三百  
里鏡湖今得賜玄武湖亦足遂意徐鉉曰上豈惜一玄武湖恨  
無賀知章耳 弟延巳工詩 子僕儀价伉入宋取第五代

獻金華五箴

馮元少好孝宋真宗朝為國子直講上召講泰卦推君道至尊  
臣道至卑而能上下相感所以輔天地裁成万物也上悅除龍  
圖孝士景德中獻金華五箴官至翰林

御賜錦屏

馮拯字道濟少時以文謁趙普普曰子之位與壽他日我若也

宋太平興國三年胡旦榜及第拯為探花太宗詩曰二三千客  
裏成事七十四人中少年仁宗朝同平章事封魏國公上賜以  
衾綢錦綺屏 謚文懿

耆英會

馮行已字肅之宋元豐五年與富弼等十三人為耆英會馮詩  
云自愧櫟樗非遠器誰知齒髮亦遐年 詳富弼

睢陽五老

馮平宋至和中與杜衍主煥畢世長朱貫咸以耆德掛冠優游  
桑梓暇日宴集為五老會賦詩酬唱平詩云醉遊春圃煙霞暖  
吟聽秋潭水石寒 錢明逸為睢陽五老圖序

金玉自至

馮大亮見樵叟八人各出柵木一枝才五六寸曰可栽庭中樹  
徑尺則家財百萬旬日而樹凌空金玉自至 廣記

○馮德選唐開元含象亭十八李士中人 見庚子元

○馮方與李浩等為五賢 見胡憲

女德婚姻

誤食金桃

馮氏陳堯佐母封燕國夫人閹範嚴毅嘗入宮誤食金桃宮人大笑後再入宮再食之宮人怪問馮曰吾長兒生夢食金桃叨恩狀頭今有此兆次兒必復作狀元矣宮人遂以金桃為瑞一時競取之

娶長妻

馮偃自耻陋短乃為子伉娶長妻生子名勳長八尺三寸善計漢光武除郎中給事嘗曰佳乎吏也母年八十每朝見詔勿拜令御者扶上殿曰使勤貴寵者此母也

名族願婚

馮元常閨門雍睦有禮法唐神龍中旌表其家署曰忠臣之門天下高其節名族皆願通婚

東隣駢驥

馮素弗北燕信都人政之長弟也慷慨有大志魁偉雄傑交結時豪詣慕容熙尚書左丞韓業請婚業拒之復求高勛女不許南宮令成藻有高名造焉談飲連月藻奇之曰吾遠求駢驥不知近在東鄰何識子之晚也遂妻以女

兩娶相女

馮京式之子也雋邁不群仁宗朝廷試第一張堯佐欲妻以女使擁入其家示以奩具不肯就後富弼妻以女有曰兩娶相家之女三魁天下之儒兩娶晏殊女

以妹續親

馮左截娶張顯壽女早世女臨終曰吾妹慈惠可撫諸孤遂娶



之顯壽開封府人。世為閤門祗候。

○馮婕妤奉世女也。從漢元帝幸虎圈，熊逸出，馮直當之。

○馮雙王母侍女，從母降魏。夫人家彈雲璣，以答母歌。

○馮衍娶任氏，悍忌，不得蓄勝妾兒女，常自操井曰：

○馮后，北魏文明后也。作勸戒歌三百篇，皇詔十八篇。

○馮淑妃，名小憐，齊後主穆后從婢也。號曰續命善琵琶。

○馮京女，適蔡確之子懋。 ○馮夷 諸馮

**熊**

宮音 江陵

東帝有熊氏之後，熊克家譜云：熊為文王師，著書一卷，名曰熊子成王卦。其普孫熊繹於楚。

弄丸解兵

熊宜僚，楚人。由公勝欲殺子西，曰：市南有熊宜僚者，可當五百人矣。善弄丸，鈴八個，常在手中，一個在手，楚與宋戰，宜僚披胷受刃於軍前，弄鈴一軍停戰視之。

受刃於軍前

寢石為虎

熊渠子夜行，見寢石，以為伏虎，射之，滅矢飲羽。渠子見其誠心，而金石為開，况人心乎。新序

安車駟馬

熊安生，字植之，仕齊為國子博士，通五經。周使尹公正問周禮兩疑，一演說，聞周主入鄴，遽令掃門，已而果幸其家，執手同坐，給安車駟馬，留宿內省，乃歸。

伏閣上疏

熊執易，通九經。唐貞元中，策賢良方正，與裴復、柳公綽、崔幼等同榜。世美鮑防知入，後為右補闕，與陽城同伏閣上疏，極論裴延齡奸邪，以其疏示歸登，二為之動容。

制行通介

熊克，字子復，宋哲宗朝奉進士，後除起居郎，兼直學士院，著九

志然  
洋之  
孫  
勝  
初誠全後  
去以也

朝通畧中興小曆宮制新典帝王經譜 堉王克勤狀行云文  
有顏廷之錯綜之工史有陳壽叙事之長牧民得曹叅清淨之  
旨制行適徐公通介之常

九華山人

熊皎號九華山人詩早行云山前猶見月陌上未逢人山居  
云深逢野草皆為藥淨見樵人恐是仙又厭聽啼鳥夢醒後慵  
掃落花春及時與黃損同師陳沆

慶親壽

熊大經宋嘉定間為建陽簿視篆之始迎親未至遣使馳香炬  
慶親庭八袞之壽自製酌江月一曲以獻

○熊襄南齊人著齊書名為河洛金匱 文李博

○熊仁贍丁母憂哀毀廬墓慈烏來巢大曆中旌表門閭

○熊羆之夢 非熊之兆 ○熊經 修養法 ○熊丸

河洛金匱  
馬集三卷

行

童

徵有 鴈門 顯瑛生老童子孫以王父字為氏

呪虎

童恢字漢宗後漢時為不其令民有為虎傷者捕至二虎呪曰  
王法殺人者死傷人則論法一虎低頭伏罪一虎鳴吼遂殺一  
釋一吏民為歌迂丹陽太守執法廉平 贊曰政畏強急理善  
烹鮮一夫得情千室鳴絃 與孟嘗劉寵許荆王渙任延同循  
吏傳

○童宗說唐人號南城先生注柳文

○童國賢宋乾道間奉進士與吳从周李燭刘璠等同榜

○童太一宋人為直閣將軍 南史 ○童蒙 奇童 童顏 童心

洪

燉 煌角音 古共工之後本姓共因避仇改姓洪

文采遭麗

洪湛宋雍熙二年上御崇政殿試礼部奉人得進士梁顥等一

注

百七十九人左右言有遺才再試得洪湛等七十六人賜及第以湛文采道麗持外正榜第三

### 四洪

洪師氏四子俱有材名潘邠老有詩以四洪比封胡羯末四謝○長洪朋字龜父有詩百篇句句可傳為郡卒首○次洪芻字駒父第進士放浪江湖不求聞達生平詩千餘篇有前後老圃集靖康中為諫議大夫坐事貶海上○洪炎字玉父登第於元祐末試吏於紹聖初顯於宣和貴於紹興官至著作即秘書少監重聽對上曰世人皆聾於心臣獨聾於耳心則了了惟上所使○洪羽字鴻父元符末入黨籍遂終其身紹興間朝廷官其一子 師民娶黃山谷女弟

### 洪佛子 三瑞堂

洪皓字光弼鄞陽人政和中第進士初為寧海簿攝令事蠲貧

心聲

弱四千八百戶統縣境荷花桃實竹榦有連理之瑞建三瑞堂已而生子適後適以貳車行縣題詩云久矣馳魂夢今登三瑞堂故山有喬木近事話甘棠 宣和中秀州水皓籍有粟者无貴粟戒米肆揭價於青白旗上不能自食者食之活九萬五千餘人公出无不以手加額呼洪佛子 建炎中擢微猷待制禮部尚書使金流涕之冷山二十年還朝擢朝請大夫 三子適遵邁並中詞科上曰洪皓身陷虜庭乃心王室三子詞科忠孝之報也 晚年求鄉郡養老母上曰卿忠貫日月志不忘君豈可舍朕去也謚忠宣

### 別墅小隱

洪适字景伯官至翰林迂筭樞參政拜右僕射號盤洲謚文惠洪連字景嚴平居言不輕發上前論事灑二語簡而意足与物无競人不忍欺親舊有求拍俸不靳家无餘貲官至樞密有別

去冬十月

小隱

小隱

聖號小隱

詩書宗主

洪邁字景盧官至內翰謚文敏號容齋作容齋五筆合四十七卷父子以文章為一代禮樂詩書宗主中興人物之首也父  
子相承四上蓋坡之直弟兄相望三陪鳳閣之遊時以為忠義  
之報嘗使金風疾頭微掉時語曰一日之飢禁不得蘇武當  
年十九秋傳語天朝洪內翰好掉頭時不掉頭○迺邁皆嘗出  
守越州故郡有棟蓼堂有別墅孝宗御書野處二字

策試第一

洪興祖宋紹興中與孔端朝張炳周林四人俱召試上覽策曰  
具祖謹直當第一遂與孔並除祕書省正字張周與諸州李宮  
百步洪

○洪文甫南唐六世義居宋朝旌表門閭 ○洪範 龐洪

涵洪

戎

羽音

江陵

戎姓同齊人戎夷之後

○漢戎賜封柳溪侯

○漢宣時有戎捷好

○戎是盛唐詩人詩似晚唐 為節度使

○蒙戎 蹙戎

翁

商音

益官

周昭王庶子食采翁山因以為氏

詠槐

翁承贊字文饒莆田人唐乾寧中登進士第擢宏詞 為福建

鹽鉄使過建陽別舊識僧亞齊詩云瀟 二風雨建陽溪 二畔維

舟見亞齊一軸新詩劍潭北十年舊識華山西吟菟昔向江村

老空性元知世路迷應笑乘輶青瑣客此時无暇聽猿啼 在

中書詠槐云雨中散點望中黃勾引蟬聲送夕陽憶得當年隨

計吏馬蹄終日為君忙 天祐初為右拾遺 後拜相 父匡

闕為滎陽參軍

取脂

兩金

馬嘶

百後

○翁君前漢人傳穀梁春秋之孝 ○翁伯前漢人販脂而富傾邑里

○翁仲孺涓川人一日天雨金十斛於其家富与王侯等

○翁偉為哀漢守跨馬而出望瞻馬而嘶偉能卡其音

○翁彥國宋宣和間召除戶侍御史中丞迂徵猷孝士

○翁績字德功宋宣和間人該博能文躬踐復之孝負笈从游者以百數

○翁靈舒宋人有詩名刘右村贈以詩有云偏問諸郎皆冠帶自言別業可樵漁

○翁衍字元廣宋人號逃禪翁少負俊声參江西詩社

○翁合字與可號丹山善詞賦歷仕江西憲 ○仙翁 塞翁

**種**

商音

河南

仲山甫之後姓仲氏因避難改姓種

孝廉

卅山

種高字景伯河南人父有財三十万卒高悉以賑卹宗族邑里之貧者晉武帝朝王湛卒之為孝廉官至益州刺史迁司徒子岱卒孝廉不就次子拂官至太常 孫邵官至諫議大夫

雲谿醉叟

種放字明逸宋初人自少年有山林之志有別業在終南性嗜酒躬耕種秫處豹林谷所居有林泉之勝自號雲溪醉叟真宗聞所居幽絕遣益工之

樵夫拜

種放一日往見陳希夷作樵夫拜於庭下希夷挽之而上曰君豈樵者邪二十年後當為顯官放曰某為道義而來官祿非所願也希夷笑曰君骨相當尔後張齊賢言放隱居求志孝友之行可厲薄俗真宗召為左司諫携手登龍圖閣論天下事賜第一區薛歸山當時有閑忙令曰世上何人號最閑司諫拂衣歸

三法研史

華山

奇男子

种放以祥符八年一日晚起服道衣聚諸生列飲取平生所作  
文彙焚之酒數行而逝亦奇男子也壽六十不娶无子贈工部  
尚書

鉄石心腸

种世衡字平仲放兄子也宋仁宗朝知青澗城事築青澗城開  
營田二千頃嘗為屬吏所訟經畧使龐籍奏世衡披荆棘若一  
拘文法边将无所措手足矣詔勿問及徙環州別龐公曰世衡  
心腸鉄石也今日為相公下淚矣○知環州五年開示恩信恙  
人悅服 八子詒診詠諮諤訢記誼 詒字大質社門讀書時  
称小隱居 諤字子政神宗以為將子可任除知延州 誼字  
壽翁侗儻有氣節紹聖初知蘭州

種放

種世衡

種誼

山西望族

种師道字彙叔世衡之孫也知兵有謀巍然有柱石之望山西  
望族惟种姚二家子弟各不相下 宋靖康中金人圍城師道  
以河東河北制置使將援兵至闕入對為戰守之計除同知樞  
密院京畿宣抚使 弟師中

終

終童

徵音 南陽 陵終之後以字為姓

終軍字子雲濟南人漢武朝十八歲選為博士弟子 初步入  
關二吏与繻軍曰丈夫西遊終不復傳還弃繻而去後為謁者  
給事中建節東出関関吏識之曰此使者前弃繻生也 除諫  
議大夫自詣願受長纓以羈南越王頸致之闕下時軍年二十  
餘世謂之終童

書薦不遇

終童

終童

終慎思苦孝董儲以書薦于士人之富者不遇取書歸董啓云  
魯箭高飛謂聊城之必下秦都不割懷趙璧以空歸

**商**

商音 鄭國

論語中教一言而善

黻茂字然明晉叔向如鄭然明從收器者立於堂下一言而善  
叔向曰必黻明也下堂執其手以上曰子如不言吾幾失子矣

問政見心

然明始見知於子產子產問為政焉且曰吾它日見茂之面而  
已今吾見其心矣

**宮**

角音 大原 南宮造之後

三復白圭

宮紹孔子曰獨居思仁公言仁義一日三復白圭之玷是宮滔  
之行家語宮之奇虞人也晉荀息以屈產之乘垂棘之璧假道

於虞以伐魏宮之奇諫不聽遂以其族行

**鄆**

宮音 京兆 周文王子鄆侯之後以國為姓

鄆舒赤狄潞子之相也有三雋才晉伯宗曰狄有五罪雋才雖  
多何補焉遂成潞殺舒

**豐**

豐稷宋哲宗朝為殿中侍御大夫司諫首論蔡京之罪數上疏  
言近習非

**蒙**

蒙騫其先齊人仕秦昭王居上卿 子武 孫恬毅 恬為秦  
將築万里長城 始製筆 毅位至上卿

**東**

微音 平原 舜十友東不訾之後

**通**

商音 西河 巴大夫食采通川因氏焉

**紅**

宮音 平昌 紅侯楚元王交刘富之後

公

羽音

枯陽

魯公衞公為之後

充

宮音

贊皇

洪充由仙人充向之後

融

宮音

南康

祝融之後

弓

羽音

大原

魯大夫叔弓之後

洪有弓祉為光

風

伏羲之後

魯僖公母須句國風姓

女故曰成風

冬 龍

龍

鐘

宗

封

饗

容

羽音

武陵

舜朝龍作納言子孫以王父字為氏龍子曰治北莫善於助龍且為項羽將救齊

刻鵠類鶩

龍伯高為山都長馬援戒兄子曰龍伯高敦厚周慎口无擇言謙約節儉廉公有威吾愛之重之愿汝曹效之效伯高不得猶為謹飭之士所謂刻鵠不成尚類鶩者也

揣骨相

龍復本唐開成中入无目善听声揣骨知人官祿年壽揣肖冥笏曰宰相笏又揣宋祈笏曰長官笏後皆驗

龍駱

龍起擢進士第丁咸序未第時夢乘龍而起回顧又有駱駝在後又登第次其下者乃龍起駱起也

揣骨



知名東南

龍大初工詩王荆公退居与郭功父坐有士人上謁視其刺則

曰詩人龍大初功父叱之曰相公前敢稱詩人令賦沙詩頃之

即云茫又黃出塞漠漠日鋪汀鳥去風平篆潮回日射星功父

閣筆由此知名東南詩話

○龍敏字欲訥事祖父以孝聞仕石晋為大常卿

○龍昌朝宋人刘敞奏其非聖不經而賜昌朝五品服

○龍澄游瀛水見水中一石合獲王印五文字如星霞傍有九

天使者謂曰此上帝所宝可投元處高後登科則曰天賦言

○卧龍 神龍 驪龍 婿乘龍 枝屠龍



角音 穎川

宋微子啓之後相公曾孫伯宗仕晋生州學仕楚食采鍾离因以為氏

知音

鍾子期伯牙為友伯牙鼓琴子期善听伯牙志在高山子期曰

哉又然若泰山志在流水曰洋又然若江河子期死伯牙絕絃以世无知音者列子

九膺台輔

鍾皓字秀明少以篤行稱隱密山以詩教授門徒千余人前後

九辟公府皆不就李膺曰鍾公至德可師洪相帝朝為林慮

長諸儒頌曰林慮懿德非礼不處悅此詩書絃琴樂古五就州

招九膺台輔逡巡王命卒歲容与 与陳寔荀淑韓韶為穎川

四長 孫繇

一代偉人

鍾繇字元常仕魏封平陽侯一代偉人也文帝嘗賜之五熟釜

銘 与湖昭並師刘德外草書繇書若飛鴻戲海舞鶴遊天世

傳胡肥鍾瘦子會筆法絕似荀勗嘗詎為勗書就勗母鍾夫人

取宝劍 二子 毓 會

上市

穎川四友

此世

此世

鍾毓機捷談笑有父風遷御史中丞鍾會魏末為鎮西將軍與鄧艾平蜀有異志死于兵

石心松操

鍾雅字彥胃晉蘇峻之亂與劉超侍衛天子拜侍中死之史臣曰雅正直當官崎嶇屐難契闊艱虞匪石為心寒松比操

詩評

鍾嶸字仲偉齊朝入明易義兩為記室專掌文翰作詩評品藻古今詩人其論最詳齊明帝躬親細務上書切諫上不憚曰鍾嶸何人乃欲斷朕機謀文孝傳

小鍾

鍾紹京繇十代孫工草書世號小鍾唐中宗景龍中拜中書侍郎進中書令皇甫湜詩有云唐元佐命功輝煥何烈烈

終南進士

鍾馗唐武德中應奉不捷觸殿階而死後現夢于明皇曰臣終南山進士鍾馗願為除天下虛耗之孽

搏虎之勇

鍾傳洪州人少射獵醉遇虎與鬪持刃不置人得斬虎既貴曰士處世尚智與謀勿效吾暴虎也晷搏虎狀戒子孫在唐僖宗朝拜鎮南節度使檢校大保中書令潁川郡王今之雲石壚鍾家會者即傳所置也

操南音

鍾儀楚人囚於晉琴操南音左

女德婚姻

娶季芊

鍾建楚小臣也昭王避亂使負其妹季芊而逃及反國季芊曰所以為女子者遠丈夫也鍾建常負我矣以妻鍾建為樂尹左

姑舅婚

鍾瑾好李慕古有退讓風与李膺同年俱有令名瑾之母乃膺之姑膺祖大尉常言瑾似我家性復以膺妹妻瑾生四子亮叔訓秀號四龍安帝時俱為牧守

鍾礼郝法

鍾夫人琰孫之曾女孫數歲能屬文博覽群籍適王渾礼儀法度為中外所則王湛妻郝氏亦有行德琰雖貴与郝雅相敬重時稱鍾夫人之礼郝夫人之法

金陵才士

鍾輻五代時金陵才士也年少氣豪樊若水愛其才以女妻之後輻中甲科樊氏早世輻遂隱終南山終身不仕 ○万鍾龍鍾 情鍾 琉璃鍾



官音 京兆 周大夫宗伯之後以官為氏

主畫諾

宋資漢延熹中為汝南太守以范滂為功曹凡事委之郡中謠曰汝南太守范滂博南陽宋資主畫諾

栖丘飲谷

宗炳字少文好琴書圖畫每臨山水佳處志歸東晉末刘毅領荊州辟為主簿不就荅曰吾栖丘飲谷三十年豈可於王門折腰為吏邪蓮社中人

乘風破浪

宗慧字元幹少時叔父炳問其志荅曰願乘長風破万里巨浪為豫州太守曰得一州如斗大何足以展吾志 伐林邑入象浦其國裝象以戟懸製為獅子与象相禦象果驚奔射林邑珍室山積戀一毫無犯歸惟被枕

一知如

神系

温植社

宗標字元懷音懷少聰敏鄉里呼為小兒李士梁元帝鎮荆  
州令兼記室遷吏部尚書撰荆楚歲時記

忠義

宗澤字汝霖有文武才畧宋建炎初為東京留守李綱所薦澤  
前後二十餘疏請高宗還京為汪黃所沮未及一年憤死詠杜  
詩云出師未捷身先死長使英雄淚濕襟子穎

八節

宗慈漢黨人名列入顧又者言能以德行引人也

宗元卿至行及孝稱為宗曾子

文德婚姻

宗連長安富人季女賢而有色求賢夫時趙元淑豪宕家徒  
四壁連謂之曰吾有愛女願為箕帚妾公子意何如元淑聘

宗曾子

焉及嫁奴婢二十口馬十金帛錦綺无数元淑遂為富  
人

宗慈外甥樂藹幼悟慈奇之

宗少文妻羅氏 儒宗 大宗 允宗



宮音 渤海

封非為黃帝師因氏焉 侯曰君也 今封江是

封父夏時

士君子

封孚字處道仕燕官至大尉有士君子之稱得大臣之休

封公復來

封隆之北魏人寬和有量四為冀州刺史每臨郡又中舊齒曰

封公復來矣 歷事五帝四為侍中 謚宣懿

四戒

封軌仕北魏兼散騎常侍博覽經傳為務德慎言遠倭防姦四  
戒子偉伯博李有才思弱冠除大李博士

同文苑傳

封肅字元邕博涉經史仕元魏為尚書郎中 与袁躍邢臧盧  
觀温子升裴伯茂同列文苑傳

宮錦玉帶

封敖字碩夫唐會昌中除翰林學士李德裕以平刘稹功進大  
尉敖草制云謀与吾同言不他感德裕解玉帶贈之武宗使作  
詔慰边将傷夷者云傷居尔体痛在朕躬上喜賜以宮錦

三世同財

封延伯字仲連三世同財為梁郡太守有高士風 南史

威儀間雅

封孝琰字士元位秘書丞風流自立威儀間雅 北史

○封嵩兄弟躍龍騁驥

文德婿姻

魏志

死節

封氏殷保晦妻也為黃巢所執罵曰吾死猶生豈辱賊手

封郎

封德彝本名倫舅盧思道曰是兒識量過人當自致卿相楊素  
与論天下事奇之薦為内史舍人妻以從妹抚床曰封郎終據  
此地貞觀中拜僕射

拒仙偶

封陟字少登居少室山一夕有仙姝顧揖以詩求為仙偶陟固  
拒之

○侯封

華封

黃封

斜封

蟻封

酒泉封

○龔

武陵

晉大夫龔堅之後

牛劔之化

龔遂字少卿漢宣帝朝為渤海太守單車至府勸民農桑使民

賣劍買牛賣刀買犢 与黃霸王成朱邑文翁召信臣同列循吏傳

楚兩龔

龔勝字君實三幸孝廉哀帝徵為諫大夫王莽秉政歸老鄉里莽遣使奉印綬安車駟馬徵之拜秩上卿勝謂門人高暉等曰詎豈以一身事二姓不食死 居彭城廉里後世刻石表其里門 ○龔舍字君情通五經以魯詩教授与孔休卓茂蔡勳刘宣炮宣同志不仕初以勝薦徵為諫大夫後拜光祿大夫終不起二人並著名節世謂之楚兩龔

結廬山中

龔玄之字道玄好李潛然於臨湘山中結廬而居養一白鹿以自偶朝廷徵為國子博士不就

荆楚仙人

白鹿自偶

龔祈風姿端雅范述見之咲曰此荆楚仙人也 南史

秀山斗門

龔穎為常德太守常篆秀山斗門四字刘海蟾游斗門曰此秀水乃武陵郡一條玉帶也 宋端拱初除侍御史

冠豸

龔大宇彥和宋徽宗召為殿中侍御史論五朝室訓乞令不可增損 時鄒浩為右正言張舜民為右諫議董敦逸為左諫議故山谷詩云且喜龔鄒冠豸文聞張董上坡

相繼登科

龔茂字實之宋奉進士莆人也樞密黃祖舜聞其賢薦為秘書省正字位至參政 日安 日政 堪 填皆其子孫 夢良 遂良 史良 友良 日嚴 日章皆其群從並相繼登科

賜緋

龔明之字熙仲幼孤鞠於祖母李氏李嘗語之曰吾少時夢綠袍判官曰与汝七十七宋崇寧中及此數果病亟明之焚香于頂泣禱于天願減已弄五年以益祖母之壽李病愈至八十三而終淳熙中遷宣教郎服銀緋

乘龍往來

龔聖者邵武道人也結庵脩竹間有異道乘龍往來勅封神降妙應大師所居峯上有磐石歲旱禱雨置淨瓶石下水滴瓶中水滿即止

女德婚姻

龔貴妃孔貴妃居望仙閣張貴妃居結綺閣陳後主居臨春閣並複道相往來

○龔氏陶侃妻也

容

官音。燉煌黃帝時容成之後一云春秋時南容之後

四江

江 一 龍 一 逢 一 夏

江

商音 濟陽 類項玄孫伯益之後封於江後為楚所滅子孫以國字氏

說客

江乙說安陵君曰以財交者財盡而交絕以色交者華落而交渝是以嬖女不敝席寵臣不敝軒

子孫博士

瑕丘江公受詩書春秋於申公以詩授韋賢以春秋授榮廣子孫皆博士

奇士

江充為人魁岸漢武異之曰燕趙固多奇士拜直指繡衣使者治巫蠱獄迫促衛太子太子斬之

巨孝

江革字次翁齊郡人事母自輓車鄉里稱之曰江巨孝舉孝廉

遷諫議大夫告歸漢元和中詔齊相以見穀千斛賜巨孝由是名聞天下

葵雞

江道字道載晉殷浩北伐請為諮議參軍擊姚襄道取雞數百以繩連之繫火於足飛集襄營因其亂擊之從子績有志氣為南郡相遷御史中丞

江左馳聲

江統字應元靜默有遠志時語曰嶷然稀言江應元晉惠朝為太子洗馬作徙戎論以警朝廷史贊云歟統兄弟江左馳聲彬又藻思卓冠群英子思玄思俊

夢筆

江淹字文通年十三孤貧賣薪以養母於樵所得蟬冠一具母曰此汝休徵也可留待得侍中時著之後果如其言少以文章

蟬冠

別賦

顯晚節微退云為宣城太守時罷歸泊禪靈寺渚夢張景陽謂曰前以匹錦相寄今可見還探懷中得數尺與之此人大恚曰那得割截都盡顧見丘遲曰餘此以遺君自是淹文章蹟矣又少時夢人授以五色筆自是文藻日新後宿治亭夢郭璞曰吾有筆在卿處多年可見還淹乃探懷中得筆還之後為詩絕無羨句時人謂之才盡嘗作別賦云春草碧色春水綠波送君南浦傷如之何齊武帝朝除侍郎王儉謂曰卿年三十五已作中書侍郎何憂不至尚書所謂富貴卿自取之梁天監中遷金紫光祿大夫封醴陵侯

御龍騁驥

江革字休映一作休明少孤貧弟兄自相訓勗俱詣大學補國子生奉高第王融謝朓雅相敬重朓嘗過革時大雪革敝絮單席而耽奉不倦朓脫所著襦併手割半氈與革充卧席而去

別賦



梁建安王為雍州刺史以革為記室參軍革弟觀同為記室沈約任昉與書云卿昆季可謂御雙龍於長途騁騏驎於千里

刻燭賦詩

江拱與蕭文琰立令偕等並以文稱竟陵王夜集賦詩約四韻刻燭一寸而成又共擊鉢立韻響絕而成南史

觀書秘閣

江子一仕梁為侍郎啟求觀書秘閣武帝許之有勅直華林省侯景反與二弟子四子五同死國難 追謚子一曰義子 子四曰毅子 子五曰烈子

狎客

江總字總持舊之孫也少孤依外氏故杜詩云江總外家養仕陳為尚書侍後主游宴後庭多為艷詩與孔範陳贛等十餘人詣之狎客 劉禹錫詩云南朝詞臣北朝客歸來惟見秦淮

碧池臺竹樹三畝餘至今人道江家宅

江高齊名

江文蔚字君章後唐長興二年盧華榜下進士八人文蔚張沆吳承範湯鵬范禹偁五人為學士 後歸南唐為御史對仗彈馮延巳常夢錫大言曰白麻雖佳要不如江文蔚一疏 與高越俱以能賦擅名江表

抗疏

江公望字民表宋徽宗朝除左司諫與王縉並以風節著抗疏極論時政為上陳堯舜之道累數百言有云一池四監未知其孰守十羊九牧未知其孰從 陛下不以先入已信之言宿於心不以未入遽告之言拒於耳決爭如析薪從理如破竹 上稱奇者數四曰卿文采甚奇

氣節

右心  
右尾

江萬里號古心文章氣節當代推敬宋咸淳中拜右相閑居值  
大元革命之際赴水死弟萬頃號古崖

**文德雅**

解珮

江妃二女不知何許人出遊江濱逢鄭交甫解珮二珠與之交  
甫受而懷之行數十步女不見珮亦隨失韓詩內傳

梅妃

江氏女名采蘋唐開元中選入宮性愛梅明皇戲名曰梅妃吹  
白玉笛作驚鴻舞遺事

金盤檳榔

江嗣女妻劉穆之穆之微時苦貧嘗往妻家食畢求檳榔江之  
兄弟曰君常飢何須此後為丹陽令召妻兄弟以金盤貯檳榔  
一斛以進

我顧伊

江敷娶諸葛恢長女此女初適庾亮之子會又死改適敷次女  
適羊楷又子衡娶鄧攸女于時謝尚求婚其小女恢云羊鄧是  
平婚江家我顧伊庾家伊顧我

風流江郎

江敦字叔文湛之孫為丹陽丞袁粲嘆曰風流不墜正在江郎  
齊孝武謂謝莊曰此小兒當為名器尚臨汝公主三子舊字  
彥標彙字彥德祿字彥遐皆為梁顯宦

舅氏鍾愛

江摠之母蕭氏摠少依外家舅蕭勗鍾愛之曰爾神牙英拔後  
當出吾右

西江 濯錦江 烏江 曲江

宮音 始平

周文王子畢公高之後支子封於寵

寵

兵法

龐涓魏人與孫臏同學兵法後與臏戰臏使人斫大樹白而書之曰龐涓死此樹下涓夜至伏兵起戰敗智窮自刎

宰相器

龐參字仲遠漢安帝朝為漢陽太守郡人任棠有奇節參往候之棠抱兒當戶以一盂水按大本薤獻之參曰水者欲吾清也按大本薤者欲吾擊強宗也抱兒當戶者欲吾開門恤孤也虞詡薦之有宰相器

鹿門採藥

龐德公居峴山之南平生不入城府劉表問曰先生不肯受官祿何以遺子孫曰世人遺之以危我遺之以安司馬德操嘗謁之值其上冢徑入其室妻子羅拜堂下命速作黍徐元直當來乃設具須臾德公還直入相就不知何者為客也諸葛亮

於元、德、參

每造之獨拜床下德公初不令止 漢建安中携妻子入鹿門山採藥不返 逸民傳 從子統

鳳雛

龐統字士元南州士之冠冕也蜀先主使守來陽令不治魯肅曰士元非百里之才處之治中別駕之任始當展其驥足耳少撲鈍惟德公司馬徽重之德公以為鳳雛

陶令故人

龐通之淵明故人也王弘欲識淵明而不能致乃命通之齋酒於栗里半道以邀之

造禪

龐居士名蘊深造禪理嘗參馬祖 又 云待汝一口吸盡西江水却道居士大悟

貧宰相

龐籍字醇之宋明道中召拜殿中侍御史孔道輔曰龐君可謂天子御史與程文惠同戊子生程已貴而籍尚小官程戲之曰君乃小戊子慶曆中龐大拜程以書賀云今日大戊子却為小戊子矣 年七十六致仕家居讀書自娛賦詩云田園貧宰相圖史舊書生 封穎公 謚莊敏

擊醫

龐安常黃州人善醫而聾然甚穎悟以指唇字示之深會人意東坡嘗戲之曰余以手為口君以眼為耳

○魏龐德號白馬將軍以戰死謚壯侯

女德婚姻

孝養

龐盛女為姜詩妻養姑篤孝姑好飲江水汲不時至詩怒逐之龐氏止於鄰家紡績供養 見姜姓

坐逝

龐居士女名靈照以賣竹漉離自給後得道日中坐居士之座而逝

師友婚

龐直溫博李范景仁少受李焉後直溫之子昉卒於京公娶其女為孫婦養其妻子終身

逢

官音 長樂

夏殷諸侯有逢公伯陵封於齊王子孫因氏焉

代君任患

逢丑父齊大夫齊侯戰敗丑父與易位晉韓厥獲之卻子將戮之呼曰自今 有代其君任患者乃免之 成二

掛冠城門

逢萌字子慶初為亭長擲楮嘆曰大丈夫安能為人投哉遂去之 王莽專政萌謂友人曰三綱絕矣不去禍將及身即解冠

挂東都城門歸將家屬浮海 光武連徵不起

(雙)

宮音 始平

顓頊之後封于雙象城因氏焉 〇後魏有雙士洛為京州刺史號水公

*[Faded bleed-through text from the reverse side of the page]*

(五支)

(支)

支 音 郡陽 支雄傳云其先月支胡人也今琅琊有支氏

講經

晉支道字道林天竺人與許詢講維摩經杜詩云空忝許詢輩 難酬支道詞

天下博知

支謙受業於支亮又受業於支識世稱天下博知不出三支

白鵲之異

支叔才至孝母立廬墓有白鵲止其旁唐高宗表異其門

(緜)

角音 山陽 一讀作卻

儒雅著名

晉郗鑒字道徽漢御史大夫慮之孫博覽經籍躬耕隴畝吟詠 不倦以儒雅著名與王導受遺詔輔少主拜司空謚文成二子

○晏惜

修襖成詩

都雲字重熙為中書郎中遷御史中丞○求和修襖成五言一首見王姓

都惜字方回襲父爵南昌縣公徵拜門下中書侍郎共有三子

超剛冲

入幙之賓

都超字景興少卓犖不羈父情好聚歛積錢數千萬超一日散與親故俱盡桓温辟為府掾府中語曰髯參軍短主簿能令公喜能令公怒超多鬚而王珣短也桓温入朝謝安與王坦之詣温温令超卧帳中聽容語風動帳開安笑曰都生可謂入幕之賓矣

伊川田父

唐都士羨字和夫張九齡稱之自拾遺七遷至中書舍人还東都德宗召拜李士不就世高其節

○女德婚姻

坦腹東床

都蓋嘗使門生求婚於王導又使遍觀東廂子弟一人獨坦腹東床訪之乃王逸少遂妻之

戒弟勿至

王右軍都夫人戒二弟曰王家見汝輩來平平耳可毋煩復至也

乘果生天

都氏夫人梁武帝妻也梁皇作懺都氏得以生天

○旒

徵音 吳吳

曾惠公子旒父尾生旒伯公五代孫

兵卒得祿

魯施氏二子一好孝一好兵皆以得祿孟氏二子效之而皆以得禍列子

執經聖門

施之常字子恒孔子弟子魯人也贈乘氏伯封臨濮侯贊曰開國乘氏有德斯彰參稽百行贊理三綱

論經石渠

施雝字長卿從旧王孫受易梁丘賀薦之拜為博士与諸儒論難五經同異於石渠閣以經授張禹

修道上昇

施岑字太玉棲紫王府修道晋寧康二年御蒼虬上昇

盖竹山

施真人名存治盖竹山在衢州仙都縣天下第二福地也

朝士執經

施士旬在大孝十九年為博士韓愈銘其墓云先生明毛詩通春秋左氏傳朝士大夫從而執經考疑者踵于門子友直縣簿次友諒齋郎

文有古風

施師點字聖愈十歲通六經十二歲能文宋紹興中入大孝高公閱為司業見公文嘆其深醇有古風孝宗淳熙中樞密院事搜訪人才手書置夾袋中薦胡晋臣有廊廟器後果大用公執政柄既久果於引去疏凡五上識者躉之謂進退之義合於時中

心筭

施文慶陳後主時為中書舍人心筭口占應時條理

進中具雅頌

施錫婺州人宋紹興中進中具頌紹興雅十篇詔免文解進士

及第

文帶之寵

施鉅宋紹興中與宋樸鄭仲熊同日遷侍即受詔日易服謝樸鉅緋仲熊綠賜毬文帶

文德

東西施

越女姓施住東者曰東家施住西者曰西家施東醜而西妍

宇記

○達施 先施 設施 嬾施

皮

徵音 天水

崇有皮容受蒲昌齊詩 後漢有皮

賦桃花

皮日休唐文士也有桃花賦九諷七愛諸篇 黃巢入長安日休孟浩然皆隱於鹿門山有鹿門草隱書序云不醉則游不游則息息於道思其所未至息於文慙其所未用故復草隱書焉

自戲曰醉士又曰酒民作酒箴食箴 歸氏子有詩嘲之云八

片尖斜砌作毬火灰掃了水中揉一包閑氣如常在惹踢招拳卒未休 與陸龜蒙為友有松陵倡和集

機悟

皮子信機悟有風神位儀同三司勳貴子弟稱其識鑒 北史

○五羊皮 榴皮 椽皮 羊質虎皮

師

徵音 大原 周師尹之後以官為氏

轉轂致財

師史前漢人轉轂百數郡國無不至過邑不入門能致十千萬貨殖傳

儒宗

師丹治詩事匡衡舉孝廉為郎漢哀帝朝領尚書事徙大司空平帝朝封義陽侯 經為世儒宗德為國元輔可謂社稷臣矣



墨帖

晉師宜官工書王右軍贊之云師宜墨帖之奇令去官字

**虞**

宮音 汝南

虞宜以妹事劉備為夫人奴客三千貨幣助軍資先主待以上賓之禮為安漢將軍弟芳子威

三國志

**秦**

秦宋禮字叔厚三世取進士明經科遂為北海名家宋建炎中除翰林學士上曰秦某之文有体真學士也以文翰際遇在王堂前後五載退居台州賓客到門攝衣延坐雖一介草布之士亦與均禮故家子弟淪落不自給者援橐金推月俸以賑其乏

**伊**

宮音

陳留

古天子有伊祁氏其後因以伊為姓

耕莘

伊尹耕于有莘之野湯以幣聘之

才辯機捷

蜀伊籍使孫權權聞其才辯欲逆拒之入拜權曰勞事無道之君乎曰一拜一起未足為勞其機捷如此

拽牛却行

北魏伊敫善射力能拽牛却行走及奔馬太武擢為秘書監拜司空賜爵河南公

○吾伊

我顧伊

鬱伊

**姬**

徵音

南陽

帝營生姬求支子因氏焉

○周姬旦制禮作樂以開千萬世之治

○漢姬嘉號周子南君

○唐姬處遜為水部郎中

○瑤姬

蒼姬

周姬

**睦**

睦弘字孟從嬴公受春秋以明經為議郎漢昭帝元鳳中因推

大石起立枯柳復生之異霍光惡之奏妄設妖言感眾伏誅

**祁** 清河

祁彤信都人歸光武信都反者捕係其父弟妻子使為手書招  
彤彤報曰事君者不顧家後以功封靈壽侯圖像雲臺

**祁**

祁奚請老晉平公問嗣焉舉其子祁午建一官而三物成能舉  
善也

**隨** 羽音 河內 晉大夫隨武子之後

隨何為詣者說九江王黥布歸漢

**倚** 一讀作倚漢書倚頓傳無明音

倚頊魯之窮士用鹽鹽起家與王者埒富

**特** 微音 隴西

留犢

時苗少清白漢建安中為壽春令之官用黃犢牛牽車歲餘生  
一犢及去留其犢以初來本無犢也 魏畧

紫蓋府

時荷字道陽從許君學道昔寧康二年與陳真君孝舉執策導  
從許君上昇荷有遺迹在紫蓋府今為南昌縣厅 宋封為洪  
施真人

破黃巢

時溥徐州人破黃巢功第一後兼中書令封鉅鹿郡王 五代

**脂**

脂習京兆人漢末與孔融相友善及曹操殺融習往撫之曰文  
舉捨我死吾何用生為文帝以習有樂布之節加中散大夫 孔融傳

**危** 角音 汝南

危積字逢吉號驪塘宋嘉定中柴與之得謫積送以詩有云人  
才自係國輕重吾道亦關公去留為世所稱 登進士第

**譽**

徵音 渤海 帝學妃嘗嫌氏之後 古有譽順為

**遲**

徵音 太原 遲任殷賢人也

**池**

徵音 西平 漢有池瑗為中臣令 比魏有池仲

**登**

羽音 京兆 楚有夔園子孫因以國為氏

**斯**

羽音

**八徵**

韋

新

錄

**韋**

羽音 京兆 顯帝大彭之後封於豕韋苗裔以國為氏

鄒魯大儒

韋賢字長孺漢宣朝拜相在位五年致仕賜第一區封扶陽侯  
自韋孟至賢五世為鄒魯大儒

金籟

韋玄成字少翁賢幼子也以父仕為郎與五經諸儒雜論於石  
渠閣 元帝朝拜相封侯故國 父子俱以明經至相諛曰遺  
子黃金滿籟不如教子一經

五處士

韋著博學篤行陳蕃薦處士徐穉韋著等 德行絕備可登三  
事桓帝以安車玄纁備禮徵之 徐穉傳

明珠出蚌

韋端二子長元將次仲將孔融與端書云不意雙珠近出老蚌  
前日元將來淵才亮茂雅度弘毅經世之器也昨日仲將來文  
敏篤誠保家之主也

徑丈之勢

韋仲將善大字魏初鄴都官觀始就詔仲將題著奏云若用張  
芝筆左伯紙及臣墨又得臣手然後可以逞徑丈之勢 明帝

書後字偏

味韻卷一

三十一

立陵雲觀設先釘榜以籠盛仲將言備轆轤引之去地二十五丈既下鬚髮皓白

竹如意

韋叡字懷文梁武朝名將也臨陣交鋒緩服乘輿執竹如意以麾進止任豫州刺史進爵為侯

逍遙公

韋叟字敬遠澹於勢利前後十見徵辟不就所居枕帶孤泉娛翫琴書時人號為居士周文帝勅有司日給河東酒一升號逍遙公兄孝寬西魏名將

東西眷

韋氏東眷有逍遙公叟即公孝寬西眷有平齊公瑱固安公法保並為盛門至今稱四公之後北史

動搖山岳

錄

韋思謙字仁紘唐高宗朝擢監察御史曰出不能使動搖山岳者為不任職大夫當敢言地須明日張膽以報天子安能錄錄保妻子邪子承慶嗣立

一門三相

韋承慶在武后朝代父為天官侍郎嗣立代兄為鳳閣舍人長安中拜鳳閣侍郎一門父子三人為相兄弟相繼大拜制曰芝蘭並秀見謝石之階庭騏驎齊驅有劉山之昆季一嗣立子濟天寶中尚書左丞孫弘景長慶間名卿

五雲體

韋陟字殷卿父石長子年十歲美文辭開元中遷禮部侍郎常以五綵牋為書記使侍妾主之陟惟署名自謂書陟字若五朶雲時號卯公五雲體肅宗朝與弟斌從兄由及紹同時列戟罕比父安石武后朝進中書令

延英賜對

韋渠牟初為浮屠已而復冠少工詩李白異之 韓滉表試校書郎 德宗誕日進詩七百言未決旬擢諫議大夫對延英殿輒五六刻乃罷

儲書

韋述家儲書二千卷兒時誦之畧遍 撰唐春秋三十篇開元譜二十篇元宗朝任史官二十年祿山亂抱國史藏南山 弟五人迪道迴處迴俱進士及第時趙冬曦兄弟亦知名當時張說曰韋趙弟兄人之杞梓

二妙

韋維開元中為戶部郎中善裁割宋之間為負外善詩人稱戶部二妙

召講太液

韋處厚字德載家藏書萬卷舉賢良方正 與路隋為侍講穆宗召入太液亭講閑睢洪範 文宗朝拜相

松菊主人

韋表微字子明羈非能文元和三年崔邠榜及第一榜十三人長慶中同年五人庾敬休柳公權李紳高鉞表微皆為翰林學士授表微監察御史裏行不樂曰吾將為松菊主人

子弟之賢

韋群玉賢而有才韓愈與陸祠部書云求子弟之賢而能業其家者群玉是也

覆以蜀袍

韋綬為翰林學士帝幸其院綬方寢以蜀袍覆之而去

三世學士

韋貫之在憲宗朝其伯兄綬在德宗朝其子澳在宣宗朝澳之

子庫在僖宗朝弟郊在明宗朝三世五人皆為翰林學士

呈身御史

韋澳字子斐武宗朝擢宏詞十年不調高元裕欲薦之諷澳謁已澳曰恐無呈身御史周墀表署幕府

山林友

韋溫字弘育綴之子七歲日誦書數千言年十一舉兩經及第換著作即謝歸侍親疾弥二十年衣不弛帶 文宗朝遷尚書右丞 性剛峻少合惟與蕭祐善不以塵爭自蒙號山林友云

疑香齋

韋應物工詩代宗朝為蘇州太守有疑香齋館自娛日與文士宴集有詩云兵衛森昼戟燕寢凝清香

丹鼎未開

韋承矩僖宗朝策試夜書一詩於都堂壁云褒衣博帶滿塵埃

獨上都堂納卷回蓬巷幾時聞吉語棘籬他日免重來三條燭盡鍾初動九轉丹成鼎未開殘日漸低人擾又不知誰是謫仙才

勸農興學

韋卅字文明孝寬六世孫唐憲宗朝擢明經為容州刺史教民耕織興學校徙江西觀察使德被八州治行第一子宙為末州刺史築常平倉置社立學官 宣宗朝拜相

女德婚姻

著女訓

韋溫女工屬文續曹大家女訓

韋氏適王琳琳卒韋年二十五不嫁自處一室著女訓行於世

仙婚

韋恕有女及笄有張老者六合縣之園叟也求婚恕曰今日內

得五百緡則可老曰諾不移時而錢至既娶負鏤織地鬻蔬不  
輟妻執爨濯王屋山下有小莊女謂怨曰他日可令大兄來相  
訪後怨今男義方訪之至一甲第見一青衣人引一衣冠人即  
張老也曰賢妹梳頭即令引入堂內叙寒溫經日別奉金三十  
緡并一舊席帽曰可於揚州王老家取錢一十萬持此為信歸  
往王家果得冬再尋之不復有路矣

識貴人

韋臯秀才也張延賞之妻苗夫人選為壻延賞不禮臯東遊改  
名韓翱唐德宗幸奉天臯以功持節西川代延賞公慙懼郭圍  
詩云當時甚訝張延賞不識韋臯是貴人

族望清華

韋詵為潤州刺史族望清華特選參軍裴寬為壻時寬衣碧瑤  
而長族人呼為碧鵲雀詵曰愛女必以為賢公侯妻何可以貌

求人卒妻之

定婚店

韋固旅次宋城店議司馬潘昉女為婚見老人月下檢書云此  
婚不令後娶刺史王泰之女宋城題其店曰定婚店

指腹婚

梁韋敷之子放字元直為徐州刺史與吳郡張率皆有側室方  
孕指腹為婚後率亡放贍恤之以子娶率女時稱其能篤舊

奇才

韋孝寬齊神武嘗稱之云關西男子屬楊侃為大都督出鎮潼  
關引孝寬為司馬奇其才以女妻之

翁婿同相

韋執誼杜黃裳之婿也翁婿同時為相近古衣冠無比

翁婿相知

韋曼為京兆尹時薛裕弱冠為丞相參軍載酒看候之談宴終日曼遂以女妻之裕曰韋公退不立齋進不市朝怡然守道榮辱不父

通家婚

韋堅娶姜皎之女李林甫舅子也 ○韋陟堂妹年十九與崔

元綜議婚韋卅初娶清河崔諷之女再娶蘭陵中書令蕭華之

孫殿中侍御史怕之女也

○佩韋 脂韋

徵音

京兆

春秋時晉有歸生子孫因氏焉

**歸**

博通墳典

歸崇敬字正禮家學治禮唐天寶中舉博通墳典科對策第一有詔舉才可宰百里者復策高等授左拾遺 使新羅國東夷傳其清德 子登

竄名

歸登字冲之唐德宗正元初策賢良為右拾遺陽城熊執易論裴延齡以疏示登 又 動容曰願竄吾名雷霆之下君難獨處故同列聯署無所回諱

**祈**

徵音

大原

舉善

祈奚為晉公族大夫○祈奚能奉善矣稱其讎不為諂立其子不為比子祈

勇士

祈弥明為趙盾車右國之勇士也

呼窻

晉祈嘉字孔賓夜窻忽有聲呼曰祈孔賓歸去來修飾人間事甚苦不可諧





居服其德陳蕃薦五處士釋居其一相帝以安車玄纁備禮徵之不就見韋著大尉黃瓊辟之亦不就一郭林宗丁母憂釋生

吊之置生芻一束而去林宗曰此必南州高士徐孺子也大守陳蕃特設一榻以待之子胤篤行孝弟隱居不仕

名將

徐晃字公明魏武名將每戰必先為不可勝攻圍陷陣功最多遷右將軍卒謚壯侯

柱石臣

徐宣字室堅魏人歷仕三朝有託孤寄命之節可謂柱石之臣謚貞侯

十年兩省

徐邈字景山魏初為尚書郎嘗私飲沈醉趙達問以曹事曰中聖人魏亡歸晉大傳謝安卒之補中書舍人處西省前後十年

一志高行潔通介有常可謂國之良材時之彥七士

建安七子

徐幹字偉臣魏人擅名東士與陳琳阮瑤應瑒劉楨曹植王粲皆好文章號建安七子 騁騏驥於千里仰齊足而並馳

佳吏部

徐寧字子期東晉人相彞謂庾亮曰為卿得一佳吏部矣真海岱清士也

托孤

徐羨之字宗文起布衣宋武帝朝位司空與傅亮謝晦等同被顧命

風亭月觀

徐湛之字孝源為南兖州刺史廣陵舊有高樓起風亭月觀吹臺琴室招集文士及游翫之適伎樂之妙冠絕一時

人中騏驎

徐勉字脩仁宋人徐孝嗣見之曰此人中騏驎必能致千里王  
儉謂其有宰輔之量後事梁為尚書左丞客有求詹事者正色  
曰今夕止可談風月不宜及公事嘗曰人遺子孫以財我遺以  
清白謚簡肅公

石麒麟

徐陵字孝穆陳人摛之子也母臧氏夢五色雲化為鳳集左肩  
已而生陵年數歲沙門室誌摩其頂曰天上石麒麟也任吏  
部尚書為一代文宗子儉為郎中儀為尚書份為洗馬

南徐北魚

襄陽舊志云徐鯤魚宏尚豪後人化之府中諺曰北路魚南路  
徐

鳳閣舍人樣

徐齊時八歲能文唐太宗召試賜所佩金削刀子堅與張說  
修三教珠英楊再思目為鳳閣舍人樣

仙才

徐則唐時東海隱士策杖入縉雲山後入天台山卓矣仙才飄  
然騰氣千尋万頃莫測其涯六倍

天下無冤

徐有功舉明經武后時補蒲州司法參軍為仁政不忍杖罰民  
相約曰犯徐參軍杖者眾共斥之訖代不杖一人遷肅政臺  
侍御史天下洒然相賀潘好礼曰有功斷獄天下無冤人仁  
恕過漢干張盧若虛曰徐公當雪電之震而能全仁恕千載  
未有其比

河東二絕

徐彥伯七歲能文對第高策調蒲州司兵參軍時司戶韋嵩善

判司士李直工書彥伯屬文時稱河東三絕

怒猊渴驥

徐嶠善書以其法授其子浩書四十二幅屏八體皆備草隸尤工如怒猊抉石渴驥飲泉肅宗朝授浩中書舍人張說見其喜雨賦嘆曰後來之英

駕馭

徐晦素為楊憑所厚李夷簡彈憑貶臨賀尉獨徐公送至藍田夷簡奏為監察御史曰公不負楊臨賀豈負國乎

天上麒麟

徐卿生二子杜甫歌云孔子釋氏親抱送並是天上麒麟兒未云吾知徐公百不憂積善衮二生公侯徐偉有子八人號

徐氏八龍

白髮青衫

徐通宋初作特奏狀元詩云白髮青衫晚得官瓊林頓覺酒腸寬平康夜過無人問留得宮花醒後看

狀元賦

徐奐宋祥符五年狀元及第試鑄鼎象物賦云足惟下正詎聞公餗之歆傾鉉乃上居實取王臣之威

甘露連理

徐積字仲車獨行人也母終廬墓三年所居第舍不蔽風雨而農夫樵婦瞻仰如神每歲甘露降於墳所墳左有杏樹一本而兩枝一日兩枝之端相合成連理與山谷同登治平四年第徽宗朝除宣德郎謚節孝處士

詩法法嗣

徐俯字師川懷奇負氣七歲能詩為其舅山谷所知呂居仁作江西傳衣詩法圖列陳無已等二十五人為法嗣陳無已

潘大臨 謝無逸 徐俯 洪朋 洪炎 林敏修 林敏功  
王直方 洪芻 饒節 高荷 汪革 李錡 晁冲之  
潘大觀 江端本 李彭 謝連 楊符 何覲 韓子蒼  
夏均父 僧仁可 僧善權 謂皆出於豫章也

見如骨肉

徐君猷 宋元豐中知黃州時東坡謫居與子由書云 幸眼無親  
君猷一見如骨肉

江南文士

徐鉉南唐人十歲能文與韓熙載齊名時謂之韓徐歸宋直李  
士院時稱江南文士 弟錯與鉉齊名李穆使江南見之曰二  
陸不能及

水墨高品

徐熙江南布衣也工畫宋初至京師其妙但以墨筆畫之殊草

畧施丹粉神氣迥出別有飛動之象

○徐復之 奉進士不第退而奉易號冲晦處士

女德婚烟

績分餘光

齊女徐吾貧共鄰婦燭光夜績曰妾以貧故起常先去常後布  
席以待來者坐常處下今一室之中益一人燭不為益暗去一  
人燭不為益明何愛東壁餘光乎皆莫能應

八歲能文

徐惠生五月而能言四歲通論語毛詩八歲能屬文父孝德嘗  
使擬離騷為小山篇云仰幽岩以流盼撫桂枝以凝想將千齡  
兮此遇荃何為而獨往唐太宗聞之召為才人及卒贈賢妃

蓬萊女官

徐清字靜之蓬萊女官也下西里王氏詩得謝休書效山谷妍

妙可喜。廬山詩云：蓬萊仙子補天手，筆妙詩清萬世功。肯學黃家元祐脚，信知人厄匪天窮。

種壁成婚

徐氏洛陽人。陽雍伯因給義漿，有一人飲漿罷，懷中出石一外，與之曰：種此則生玉，并得好婦。後得白壁一雙，娶徐氏女。天子聞而異之，拜為大夫，生十男，位至卿相。

委禽

徐吾犯之妹，羨公孫黑強，委禽焉。卒與子南。

擇婿

徐邈有女才淑，大會僚佐，使女於內觀之，指王濬告母，遂以妻之。時濬為江東從事。

徐陵仕陳，為吏部尚書。虞世基一見奇之，謂朝士曰：當今潘陸也以女妻之。

擇婦

徐廣字野民，晉朝為秘書郎。仕宋，遷秘書監。娶中山劉謚之女。徐非一作非娶劉孝標妹劉三娘，作文尤清拔，可喜。

○徐氏盧惟清妻也。盧貶播州尉，死，徐迎尸，還足，繭流血。

○青徐 舒徐 虛徐

商音 下印 秦由余之後，以王父字為氏

四賢四諫

余靖字安道，宋慶曆中除右正言知制誥。時范文正以言事忤大臣，落職。公上書謫監筠州酒稅，尹洙歐陽修抗疏亦遠謫。士大夫號為四賢。初歐公余靖王素俱列諫官，蔡襄詩曰：御筆新除三諫官，喧騰朝野競相歡。當年流落丹心在，自古忠良得路難。必有謀謨禪帝右，更須風采動朝端。世間萬事皆塵土，留取功名又遠看。三人以詩聞於上，亦除諫官。時謂之四諫。為

廣師十年不載南海一物廣州有八賢堂見潘美英宗朝遷工  
尚書謚襄公

劍井瑞氣

余中熙寧中狀元及第常州有劍井先一歲瑞氣氤氳上騰數  
日乃大魁之識也

石月老人

余安行號石月老人鄒道卿常與之游作春秋新傳李綱序之  
紹興中扣閣論時事遭斥逐而不悔未老投綬樂道養恬坐  
志屢空而憂國之心切切焉

神救水患

余端礼字處恭未十歲時衢發大水與里人共處一閣二將沈  
空中有声云余端礼在內當為宰相可護之有頃一物如鼉鼉  
長數十丈來負此閣達於平地衆賴以全宰烏程縣決事風

生事紛如蜩庭寂如水鼠輩膽落鷺行股票 台湖嚴三州之

民有口箐尔曰丁綸臨安之民有口箐錢曰身丁公請與復三  
年又請減免衢州雜稅免符既下五州之民欣舞 宋光宗朝  
相封郇國公

教子

宋余良弼教子詩云白髮無憑吾老矣青春不再汝知乎年將  
弱冠非童子李未成名豈丈夫幸有明窓并淨几何勞鑿壁與  
編蒲功成欲自殊頭角記取韓公訓阿符

余佛

余崇龜字景望在孕時母葉氏夢星入懷童稚穎異宋淳熙中  
懼甲科家藏書萬卷出入經史貫串古今扁其堂曰靜勝綯  
洋其中視外沈淡如也開禧中侂冑專權公獨立不倚嘗曰  
名節至重官職至輕力求去出知江州恤民禱雨民呼為佛

孝行里

余齊有孝行父亡號叫而絕秦改其里為孝行里南之

大德

余媚娘幼適周氏夫亡介潔自守陸希聲為郎中娶之劈牋泚墨更倡迭和後希聲又娶名姬柳舜媚娘手刃之

○由余

徵音

京兆

舒子後以國為氏

賦牡丹

舒元與唐元和進士太和中獻書闕下所上八萬言出入今古依玉筋篆志云斯去千年水生唐時水復去矣後來者誰千年有人誰能得之後千年無人篆止於斯嗚呼主人為吾室之作牡丹賦文宗摘其傑句拜監察御史死於甘露之禍

鸞鳳隱起

舒實字信道熙寧中夢入空中見樓閣金碧輝煌有瓊裾琅佩者數百从揖實請詩且曰此間文章要似鸞鳳隱起與織女分巧亶吟曰天風吹散赤城霞染出連雲萬樹花誤入醉鄉迷去路傍人應笑却還家一人曰未免近凡調臨海縣民有醉酒逐其叔母者亶執之而斷其首投効去題壁云一鋒不斷兇渠首千古誰知將相材時荆公當國奇之為改調官至御史裏行號亦樂居士

雪月苦

舒堯夫苦茶坡翁夜過其家戲作詩云先生堂前雪月苦弟子讀書喧兩廡懂門入室書縱橫蠟紙燈籠似雲母

望舒 荆舒

蘧伯玉名瑗衛人孔子弟子贈衛伯玉淮南子云蘧伯玉年五

○卷舒



十而知四十九年之非 衛靈公與夫人南子夜坐聞車聲麟  
二至闕而止夫人曰此伯玉也公曰何以知之曰大臣不為冥  
二情行伯玉賢大夫也不以暗昧廢禮是以知之

**魚**

徵音 鴈門

宋司馬子魚之後以王父字為氏  
宋有魚石為左師魚庸為少宰

成十五年

梁魚容 後廢以象齒沈檀造一睡床金蓮花捧琥珀龜支床脚

唐魚朝恩肅宗朝知內侍省事為觀軍容宣慰使觀軍容自朝  
恩始

○南徐北魚

**疏**

疏廣字仲翁少好學明春秋漢地節三年拜太子大傅兄子受  
拜太子少傅居賤五年乞身去送者車數百兩觀者皆曰賢哉  
二大夫

**儲**

羽音 河東 齊儲子之後 漢有儲太伯

唐儲光羲工詩為汜水尉山中流泉詩云映地為天色飛空作  
雨聲

**渠**

宮音 鴈門 周大夫渠伯之後 後漢有渠參封  
贊侯

**居**

晉大夫先且居之後以王父字為氏  
漢有居魚封宋城侯

**諸**

越大夫諸稽郢之後 漢有諸於為  
洛陽令

**虞**

角音 陳留 舜有天下曰虞子商均封虞以國為  
氏 周武王封虞侍後何東其後因  
以字為氏

擔簦

虞卿游說之士躡蹻擔簦說趙孝王一見賜黃金百鎰白璧一  
双再見為趙上卿故號虞卿著書八篇世號虞氏春秋

匹練

虞延字子大初生時屋上有物若一匹練升天力能扛鼎漢  
末平中位司徒

增竈

虞詡字外卿祖父經為郡獄吏平允寬恕曰吾子孫何不為九  
卿邪及詡生年十二通尚書太守王朗待以賓友之禮鄧騭  
惡之迂為朝歌長時朝歌賊方盛故舊皆吊之詡曰不遇槃根  
錯節何以別利器鄧太后以詡有將帥之畧迂武都太守日夜  
進道令吏士各作兩竈日增倍之羌不敢逼後大破之漢順  
帝朝尚書僕射子恭有俊才次子顛

琥珀受芥

虞翻字仲翔年十三客有候其兄者不過翻與書曰琥珀不受  
腐芥磁石不受曲針吳孫權拜為騎都尉數有酒失流交州  
講亭不倦注老子國語行于世

清廉

虞愿字士恭宋朝為晉安太守郡有越王石常隱雲霧清廉太  
守乃見愿往勸清徹無所蔽褚彥回嘗詣愿不在見床上積  
塵書數卷嘆曰虞君之清至此拂地掃床而去晉安舊出蝮蛇  
膽可為藥有遺愿蛇者愿放之蛇歸者再仁心所致也

南金之貴

虞世基陳人與弟世南歸情比二陸博孝有俊才善草隸孔奐  
見之嘆曰南金之貴屬在斯人

五絕

虞世南字伯施外謹儒而中抗烈唐太宗時為弘文館學士謂  
之登瀛洲後以銀青光祿致仕圖形凌煙謚文懿上嘗命寫  
列女傳於屏風無本暗疏之無一字繆上每稱其五絕一德行  
二忠直三博孝四文詞五書翰

○上嘗出行有司請載書以從上曰虞世南在行秘書也

翹材館

虞允文字彬父十歲賦詩有驚人語諸老知其遠器 宋紹興中督師江淮有采石之捷劉錡執其手曰朝廷養兵三十年今日大功乃出儒者我輩愧死矣 及作相置翹材館延四方賢士懷袖有方冊曰材館錄聞人一善必書首薦胡銓張震等二十人一時得人之盛凜 有慶曆元祐之風謚忠肅 ○虞放楊震門徒也 漢和帝朝為司空封都亭侯 ○虞溥晉人字允源篤志典墳謂李之梁人甚於丹青

婚姻

虞翻與弟書曰長子容當為求婦遠求小姓足使生子天其福人不在貴族芝草無根醴泉無源揚雄之才非出孔氏著為虞氏家法

○講唐虞

驩虞 騶虞

胡

羽音

安定

周武王封舜後胡公滿于陳子孫以謚為姓

白鶴臺

漢胡安於邛州白鶴山乘鶴飛去弟子立白鶴臺山有胡先生授易之洞泉有滴珠樹有木蓮西岩有翠屏萬竹之境

天下中庸

胡廣字伯始本姓黃五月五生父母弃之胡公見而幸之孝廉 位公台三十餘年歷事安順冲質桓靈六帝練達事体京師語曰萬爭不理問伯始天下中庸有胡公 荆有菊潭水廣飲之年八十心力克壯狄梁公表云餌胡廣延年之菊 與陳蕃皆為臺閣舊臣位太傅謚文恭

歷事四朝

胡質字文德魏人正元中詔胡質徐邈田預歷事四朝出統戎

馬入贊庶政憂國忘私賜穀二千石冬三十萬爵關內侯子威

推練

胡威字伯虎嘗省父自駝驢不止傳舍留十數日告歸質與之縑跪曰大人清貧何以得此卒以與父帳下都督晉武問曰卿清何如父曰臣父清畏人知臣清畏人不知其弟巖益州刺史威徐州刺史

九老

胡景唐會昌間胡吉劉鄭盧白張李及僧如滿合尚齒之會為香山九老果詩云閑居同舍此三春大抵愚年最出群霜鬢不嫌盃酒只白頭仍愛玉爐熏徘徊玩柳心猶健老大看花意却勤鬢落酒斟抗酪酌香囊高挂任氤氳云云時為懷州司馬

玉竈鍊丹

胡惠超字警俗唐天后以蒲輪召之引見武成殿問仙事止陳道德帝在治化之原遣使送歸賜書曰軒曆之廣成漢朝之河上云云曰御光開望霓裳之漸遠天津後渡瞻鶴蓋以方遙於洪崖先生古壇鍊丹三年詩云碧岫窺玄洞玉竈鍊丹砂今日星津上延首望靈槎白玉蟾集云胡天師字拔俗唐永淳中福巾布褐身不長處稠人中首獨出稱胡長仙長安三年二月十六日命弟子於伏龍岡造墳解蛻年數百歲謚洞真先生

春秋硯

胡旦字周父有俊才尚氣節嘗曰應宰不狀元仕宦不宰相虛生也吟鴈詩云明年春色裏領取一行歸吳國三年試不定而成功賦魁天下有硯可數尺鏡其旁曰宋朝胡旦作春秋硯宋太宗朝知制誥進河清頌得謫茶觴壺矢見董半夜渴睡漢見呂文穆

白首不欺

胡宿字武平氣宇高爽議論清新仁愿誠懇出於自然平生守道不以進退為意在文館二十餘年語後進曰富貴貧賤莫不有命士人當修已俟命母為造物者所強當世以為名言平生以誠事主今白首矣不忍絲髮欺君宋仁宗朝在翰林十年位至樞副謚文恭

湖學

胡瑗字翼之讀書泰山攻苦食淡年四十餘累試不第范文正薦之以白衣對崇政殿授校書郎改湖州教授弟子數百人置經術齋治道齋明体用之學以教諸生諸生有好明經者好談兵者好文藝者好節義者各以其類群居慶曆中在太學教人亦然出其門者士多秀彥歐公詩云吳興先生富道德說子弟多賢才荆公詩云先收先生作棟梁以次收拾桶與榱

嘉祐中為侍講時有四真之目富公真宰相包公真御史中丞永叔真孝士胡翼之真先生迂太子中允尋致仕號安定先生

無黨論

胡愈字完大哲宋朝黨人方盛公進無黨論知成都錄杜詩刻石于草堂自作碑序至吏尚書謚修簡崇寧中與李清臣等通入元祐黨籍

望雲臨水

胡安國字康侯紹聖中對策詞幾万言出入今古哲宗親擢為第三除太學錄宣和中去位謂子弟曰為親而仕稱疾掛冠買田築室置圖籍其中望雲倚杖臨水觀魚課於耕種取給則止建炎中召拜給事中二辭再召入對獻時政二十篇除徽猷待制後以宝文閣學士致仕晚年退居衡山不出謚文定聞道伊洛

朱晦翁謂安國聞道伊洛志在春秋著書立言格君垂後明天  
理正人心扶三綱叙九法体用該貫有剛大正直之氣 又曰  
胡氏春秋未論義理且看文字便見此老曾中間架規模不草  
也

### 松栢獨秀

謝顯道語朱震曰胡康侯如大冬嚴雪百草萎死而松栢挺然  
獨秀 楊龜山欲留公瑣闥詩云欲驅殘臘變春風只有寒梅  
作選鋒莫把疎英輕閉雪好歲清艷月明中公風度凝遠蕭然  
塵表視天下無一物嬰其心曰浮世利名真蟻蠅之過前也

### 管見

胡寅字明仲號致堂宋建炎中拜起居郎 諸子嘗侍坐數盃  
之後歎孔明出師表誦陳子翁奏章可謂豪傑之士也 謫新  
州著讀史管見二十卷 弟寧字和仲紹興中為大常丞

### 正蒙

胡宏字仁仲號五峯自幼志於大道嘗見楊中立于京師又從  
侯師聖於荆門卒傳文定之學 析太極精微之旨窮皇王制  
作之原一呼吸足以察寒暑之變一語默足以察行藏之妙一  
往來足以究天地之理 創書樓于衡岳布衣藜杖尋壑經丘  
著書五十三篇皆仁政之大如井田封建學校兵制喪祭等事  
朱子曰正蒙一書規模大知言一書規模小 子大壯大時

### 芸閣

胡憲字原仲文定從子也以鄉貢入太學後歸隱故山力田賣  
藥以奉親文定稱其有隱君子之操 宋紹興中除正字朱子  
送詩云先生去上芸香閣 差新裁豸角冠留取幽人卧空谷  
一川風月要人看 號籍溪先生

### 五賢

胡憲與王十朋馮方查齋李浩轉對有所開陳大孝為五賢詩  
拜八品京官予祠館閣之士載酒看祖於東門外

道義交

胡憲與劉子翬劉致中為道義交相見講孝外無雜言朱松屬  
其子曰籍溪胡原仲白水劉致中屏山劉致仲三人吾友李有  
淵源汝往師之熹奉以皆而受李焉

名重泰山

胡銓字邦衡號澹庵後謚忠簡居廬陵四忠之一紹興中為樞  
密編修官上疏乞斬王倫秦檜孫近三人頭懸之藁街金人以  
千金贖其書得之大驚遂退師 貶韶州監倉陳剛中啓送之  
云身為嶺海之行名若泰山之重又曰知無不言願借上方之  
劍不遇故去聊乘下澤之車 再貶新州有詩云夢入瓊崖身  
益壯煙銷金塢臭空傳 廬溪王庭珪贈詩云癡兒不了公家

事男子要為天下奇亦得貶 張魏公云秦檜專柄二十年只  
成就得一不胡邦衡耳

望海臺

胡銓居海外二十年孝宗登極起知饒州末到任除秘少監登  
南恩望海臺吟曰君恩寬逐客万里聽歸來未上凌煙閣先登  
望海臺山為學浪湧胡拓碧天開目析飛雲處終身愧老萊  
除工侍進解經除龍圖李士 孫祈胡渠

繡衣玉斧

胡渠字仲方為江西憲楊東山復書云繡衣玉斧威惠兼施王  
虹翠浪文逢賢主人也 寧宗朝以工部尚書來鎮三山作百  
花庄

漁隱

胡仔字元任號苕溪漁隱日以漁釣自適有詩話行於世宋宣

和間官建安

徒筆

胡直孺字少迈能詩与劉邦直詩云我無徒筆翻三峽君有長才肅五兵同是行人更分手不堪風樹作離聲 宋建炎中拜刑部尚書

賦藕

胡致隆號蕭灘居士與山谷往來坐上分題賦藕云平生冰雪姿七星羅心骨豈尤有絳毫上裨天子聰而不自薦達胡為乎泥中沈疴正無賴安得君從容其子亦可怜風味如乃翁

致虛

胡逸號致虛庵山谷題之云山隨宴坐畫圖出水作夜窻風雨來

小澹翁

胡夢且字季昭又字季汲宋寧宗朝試刑法科楊東山賀云得雋兩科持平三尺 理宗即位上書言濟邨事羈管象州東山詩送之有云便是吾鄉小澹翁 端平更化詔云尔風裁峭藁志槩激壯方嘉貫日之忠已墮偃月之計

○胡楚賓唐秋浦人屬文敏甚必酒後然後下筆

○胡諒中龍虎榜 見文力氏

文德循相

配偶

周武王以元女大姬為胡公滿之配而封於陳故陳為周之甥滿周陶正闕父之子也

絳紗繫臂

胡奮為征南大將軍有女名芳時晉武選士庶女有姿色者以充後宮中選者先以絳紗係其臂芳入選拜貴妃今定親之禮



多用之 杜牧詩絳綫猶封係臂紗

婿得文士

胡珣擇張籍為婿以文孝除廣文博士

嫁娶家法

安定先生遺訓嫁女必須勝吾家娶婦必須不若吾家勝吾家則女之事人必敬必戒妻不若吾家則事舅姑必執婦道

匣硯

胡銓嫁女惟漢書一部匣一硯而已

杭婦能詩

胡楚杭之婦人也能詩有云不見當時丁令威年又處又是相思若將幽恨同芳草却恐青山有盡時 ○封胡人名盧胡笑

舍胡 酒家胡

○(盧)

商音 范陽

齊姜太公之後至文公子高之孫漢食采於盧因以為氏

羊酒相賀

盧維與漢高祖同里同日生里閉交以羊酒相賀高祖即位立為燕王

聲如鐘

盧植字子幹涿郡人聲音如鐘才兼文武漢獻朝拜中郎將曹操曰植名著海內孝為儒宗士之楷模國之楨榦

盧前

盧照隣字杲之與王勃楊炯駱賓王為四傑世稱王楊盧駱炯曰吾愧在盧前耻居王後人病居大白山得方士女明膏餌之

終南捷徑

盧戡用字子潛始隱終南少室二山有意用世人目為隨駕隱士司馬承禎嘗召至闕下戲用指終南曰此中有嘉趣司馬曰仕宦之捷徑耳中宗朝為中書舍人

方外十友  
藏用與陳子昂陸餘慶杜審言宋之問畢構郭襲微司馬承禎  
趙貞固釋懷一為方外十友

伴食

盧懷慎清儉得祿盡賜故人親戚唐開元中與姚崇並相每事  
推讓於崇人唯為伴食宰相長子英為陝州刺史以清白稱  
玄宗次陝嘉其美政題于廳曰斯為國寶不墜家風次子奕  
清節不易天寶中留守東都祿山陷城朝服罵賊而死奕子  
杞面色如藍險刻賊忌德宗朝拜相

多田翁

盧從愿字子龔善殖產占良田數百頃帝薄之目為多田翁  
睿宗朝吏侍郎名覆金甌隱居服

盧鴻字浩然隱嵩山開元中備礼召之二詔方至拜諫議大夫  
不就還山賜隱居服

玉川

盧仝號玉川子唐詩人如月蝕詩茶歌皆世所稱道有所思  
云相思一夜梅花發忽到窓前疑是君生子名添丁

四夔

盧東美韓會張正則崔造士大夫謂之四夔雖處而未仕天下  
許以為相子暢申易孫立

十才子

盧綸字允言與韓翃錢起李端司空曙吉中孚崔峒耿湓夏侯  
審苗發能詩齊名號大曆十才子四子簡能簡辭弘正  
簡求

錦標

盧杞  
盧奕

盧肇宜春人與黃頗同奉郡中獨餞頗明年肇狀元歸太守請觀競渡肇詩云向道是龍人不信果然奪得錦標歸

紅綾餠

盧延遜唐人及弟賜宴曲江後有詩云莫欺老缺殘牙齒曾喫紅綾餠餒來

九老圖

盧真官至御史年八十三自詩云先時共作三朝貴今日酒逢九老翁但願綠醅常滿酌煙霞萬里會應同

琉璃瓶

盧文紀後唐人帝擇相悉書清望官名琉璃瓶中祝天以筋挾之得文紀相之祖簡求

○盧士琛言於楊愔曰盧郎潤朗所以北王時吏唱名為士深故自辨也

○盧元明字幼章中山王熙曰盧郎如此風神唯須誦離騷飲美酒自為佳器

大德婚姻

剔目

房玄齡妻盧氏見玄齡病且死入帷中剔一目示無他意

眉刃

鄭義宗妻盧氏恭順夜有盜劫其家盧眉刃立姑側不去姑曰歲寒知松柏今乃具婦之心

女白擇

盧儲舉進士投卷謁尚書李翱置案問長女及笄謂小青衣曰此人必為狀元翱乃慕為壻來年果狀元成婚之夕儲詩曰昔年曾向玉京遊第一仙人許狀頭今日已成秦晉約早教鸞鳳下妝樓

姊妹妯娌

盧尚之長女適崔休之姪長謙休為子悛求其次女曰家道多由婦人欲令姊妹妯娌於是同日成婚

指腹為婚

盧遐妻崔浩女也王寶興母浩弟恬女也盧妻王母皆有字浩曰皆我之自出可指腹為婚

公姑皆賀

盧徹為吉州刺史一女有幽間之德馬暢求之卜者曰祥夫人入門而媪御皆喜既饋而公姑皆賀克受成福

不事女主

狄梁公為相有堂姨盧氏姥居午橋南公啓之曰吾今為相尔子有何願悉如指盧曰老姨止此一子不欲便事女主公慙而退

○盧柔字子剛未冠能文司徒王或奇之以女妻焉

○柳毅妻盧氏即洞庭君女也

○盧淵與李冲相友善結為婚

○盧校書晚娶崔氏 ○崔盧望族

○崔盧的盧馬韓盧大呼盧

**朱**

濺虎

朱亥力人也魏公子無忌使亥奉璧使秦又王怒置之虎圈中亥瞋目視席皆裂血出以濺虎又不敢動無忌使亥袖四十斤鐵椎又殺晉鄙奪其兵擊秦存趙

大俠

朱家閩東大俠也漢初陰脫季布之厄及貴終身不見

書錦

朱買臣字翁子採樵自給謂妻曰吾年五十當富貴 漢武擢為會稽太守謂曰富貴不歸故鄉如衣錦夜行

折角 折檻

朱雲個儻有大節與五鹿充宗論易連柱諸儒語曰五鹿岳 朱雲折其角 漢成帝朝為槐里令上書願借尚方之劍斬佞臣張禹上怒欲斬之御史將雲去雲攀折殿檻

桐鄉

朱邑字仲卿漢宣時為北海太守治行第一入為大司農臨終戒子曰我故桐鄉吏葬我桐鄉子孫奉我不如桐鄉民

結綬

朱博字子元與蕭育為友時語曰蕭朱結綬王貢彈冠言相虜達也 漢成朝代孔光為相封陽鄉侯

志士

朱暉字文季家世衣冠性矜嚴陰就徃候之不見致禮不受就曰志士也勿奪其節 明帝朝為臨淮太守人歌曰強直自遂南陽朱季吏畏其威人懷其惠 與陳揖交善揖卒薦其遺腹子友為吏其義烈如此 孫穆

奇士

朱穆字公叔舉孝廉梁異曰公叔文武兼資海內奇士舉為侍御史 著崇厚論傷時澆薄也 著絕交論言鳴鳳異域為文伯宗作也 立節忠清卒蔡邕與門人謚曰文忠先生

疾惡

朱震字伯厚為銓令聞友人陳蕃死弃官哭之匿其子逸其陵界中拷掠至死不言由是得免 諺曰車如雞栖馬如狗疾惡如風朱伯厚

黨中八俊

朱寓與李膺王暢等為八俊言人之英也

金山玉海

朱昇字彥和徧覽五經明山賓表薦之云金山万文經陟未登  
至海千尋窺映不測 梁武朝拜侍中

讓畔

朱仁執字德容隱居養親常誨子弟曰終身讓路不柱百步終  
身讓畔不朱一畝 孝感赤烏白鵲之祥 卒謚孝友先生  
唐人

居士屨

朱挑推成都人淡泊絕俗被裘曳索結廬山中常織芒屨置道  
上見者曰此居士屨也以米茗置其處易之 唐初高士廉治  
蜀備札見之不谷士廉曰欲使我以無事治蜀耳

睢陽五老

朱實年八十八詩云各还朝政遇堯年鶴髮俱宜頂道冠衣到  
林泉能放曠全拋簪紱尚盤桓 序云蹈榮名而保終吉却貴  
勢而躋遐苟白首一節人情所難

至道九老

朱昂字舉之少篤孝先是有朱遵度者謂之朱萬卷目昂為小  
萬卷 號退叟有二亭曰知止曰幽棲 卒門人謚曰正裕先  
生 九老 見李助

七老

朱光復宋元祐中掛冠同時休退者孫諭吳師道梁宏賈辛彥  
張叔達與布衣唐愈為七老會五日一集飲酒賦詩

坐春風

朱光庭字公掞宋嘉祐中登第見明道於汝曰光庭在春風中  
坐了一个月 初從安定復從二程以格物致知為入道之門

以正心誠意為入德之方排異端扶正道 溫公薦之召拜正  
言遷左司諫

刺血寫經

朱壽昌字康叔三歲失母及長弃官刺血寫金剛經行四方求  
之於陝州得焉士大夫多以歌詩羨之東坡為序

十賢

朱京建昌人郡有十賢堂宋陳彭年李泰伯曾子固子宣子開  
王無咎呂南公鄧伯溫朱京宋彥皆郡之先達也

神仙風致

朱希真名敦儒宋紹興中以詩詞擅名天資曠達有神仙風致  
自述詞云我是清都山水郎天教分付與疎狂曾批給月支風  
券屢上留雲借月章詩萬卷酒千觴幾曾著眼看侯王玉樓金  
殿慵歸去且插梅花醉洛陽 檢盡曆頭冬又殘愛他風雪耐

他寒橫拖竹杖家 又月穩上籃輿處 又山添老大轉癡頑謝天  
教我老來閑道人還了鴛鴦債紙帳梅花醉夢間 御史明橐  
宣諭廣東訪求遺逸以希真應命召對入館為郎出憲浙東

韋齋先生

朱松字喬年生有俊才天然秀俊自謂卞急害道因取古人佩  
帶之義以名其齋 紹興中試館我除正字 出守建陽晚年  
屏居建溪日以討尋舊學為事玩心義理之微放意塵垢之外  
有以自樂 卒贈通議大夫 熹子

道學

朱熹字元晦居紫陽山下從學於屏山籍溪 以一心窮造化  
之原及性情之妙達聖賢之蘊以一身休天地之運備事物之  
理任綱常之責 初居崇安扁讀書堂曰紫陽書堂後築室建  
陽號雲谷老人其草堂曰晦庵自號晦翁晚居考亭精舍號蒼

洲病叟最後號遜翁 宋紹熙中除煥章待制 理宗朝贈太師封徽國公

○朱祐佐光武中興封為南侯圖形雲臺

○朱淳事光明兩朝數上書言事拜司空

○朱雋字公偉漢黨人也好義輕財鄉閭敬之 位大尉

○朱協與景德二十四賢

○朱勝非宋建炎中拜相平苗劉之亂保護之力居多

○朱真曰江南處士有詩名

**文德婚姻**

○朱氏王輔道夫人也自號華清居士有倡和詞

○朱淑真有詩集劉後村多選其詩

○朱陳二姓世婚徐州古豐縣有朱陳村

○朱文公著婚禮多引用司馬公家訓

○朱紀有才畧吳孫權以兄之子妻之為校尉領軍

○朱晦翁夫人劉氏白水劉致中之女

○朱晦翁女適黃勉齋 ○朱喬年娶祝氏

○陶朱 紆朱 奪朱



羽音 武功 顯帝抗融後陸終生昆吾封於蘇以國為氏周有蘇忽生為司寇居河內

**六國相印**

蘇秦說秦王書十二上而說不行黑貂裘弊黃金百斤盡嬴藤履橋擔橐負書以歸 後從說得行併相六國曰使我有負郭

二頃田安能佩六國相印 弟 代 厲

**嚙雪**

蘇武字子卿漢武天漢元年以中郎持節使匈奴嚙雪咽旃杖節牧羝居沙漠十九年昭帝始元六年因漢使詭言得鴈帛書得還李陵別以詩有云雙鳧俱北飛一鳧獨南翔五言詩始此



號蘇李体 還朝拜典屬國 宣帝賜爵關內侯圖形麟閣

二天

蘇章字孺文漢順帝朝為冀州刺史與故人清河太守宴飲大守喜曰人皆一天我獨有二天

餉瓜不受

薛瓊為清河太守趙穎餉瓜一雙瓊置梁上

蘇仙

蘇仙公名耽得修真之術隱於柳州高秀之峯有橘泉元結詩云靈橘無根井有泉世間如夢又千年鄉閩不見重歸鶴姓字今為弟幾仙 初乘鶴去後騎白鶴來止郡城樓上鶴以爪攬板作字云城郭是人民非三百甲子一來歸 云云 仙傳

奇士

蘇綽有王佐才對周文帝指陳帝王之道上不竟前席曰真奇

士也 子威仕隋封邳國公與高穎同心協贊 江南平作五

教令民誦之

秘府

蘇弁字元容少博學聚書二萬卷手自讎定當時稱為秘府四唐高宗時擢進士召見延英賜紫衣金魚

戰功

蘇烈字定方從李靖計高麗練賀魯以還由是唐之州縣極四海矣 高宗策功拜邢國公

以詩鳴

蘇源明肅宗朝知制誥 與陳子昂元結李柱以詩鳴

摸稜

蘇味道武后朝相位脂韋自營而已嘗曰決事不欲明白但摸稜持兩端世號摸稜手

大手筆

蘇瓌字昌容武后朝拜相 子頴字延碩拜中書舍人同在禁中時人榮之元宗朝頴亦拜相父子前後俱封許國公  
李嶠曰蘇舍人思若湧泉吾所不及 與張說同以文章顯時稱燕許大手筆

蘇李

蘇頲與李又對掌文誥號蘇李 蘇味道與李嶠俱以文翰顯號蘇李 蘇晉李嶠同知制誥號蘇李

王堂之署

蘇易簡字大簡宋淳化中拜翰林學士上飛白書王堂之署四字賜之曰羨卿居清華之地也一日上召賜酒上曰君臣千載會對白忠孝一生心上喜盡以席上金器賜之在翰林八年知制誥四年時年三十 子著 孫舜欽

飛仙

蘇舜欽字子美長於歌詩與梅聖俞齊名世稱蘇梅 徙居蘇州買水石作滄浪亭號滄浪翁 後崔存遇王屋山問曰世傳學士仙矣曰瀛洲有召遂飛去作詩云崑崙氣候四時春紫府北陰夜如曉來時不用五雲車洊着清風下蓬島

古君子

蘇頲字子容記問博洽長於史李處館職九年 富弼遺之書曰若吾子出處可謂真古君子矣 元祐初拜右相進述英要覽 父紳知制誥 子携徽待制

老蘇

蘇洵字明允號老泉年二十七始發墳閉戶讀書五六年不為文辭及下筆頃刻數千言宋嘉祐中歐公上其所著權書衡論等二十二篇于朝召試舍人院除校書郎 時蘇氏文章名壇

天下學者以其父子俱知名故稱老蘇以別之 二子軾 轍 澹 湜

出人頭地

蘇軾字子瞻號東坡居士嘉祐中歐公考試見公文語梅聖俞曰老夫當避此人一頭地 召對便殿宣仁后曰先帝母見卿文章必嘆曰奇才奇才命坐賜茶以金蓮燭送歸院 元豐二年謫黃州元祐初召除翰林遷內翰紹聖元年南遷 山谷詩云赤壁風月笛玉堂雲霧窓又贊云嬉笑怒罵皆成文章解羈而歸紫微玉堂 謚文忠公 ○長子邁字伯達作文頗有父風咄又皆跨竈典坡嘗與聯句云傳家詩筆古已自過宗武中子道○小子過字叔黨善為文士大夫以小坡目之○孫十四人 筆太府卿 符禮尚書 箕 荃 籌 葵 蓂 籍 節 笈 遂 笙 嶠 給事中 峴 軒

東軒長老

蘇轍字子由號穎濱遺老又號樂城元豐初謫監筠州酒稅假部刺史存以居即堂之東為軒種杉二本竹百个為宴休之所自號東軒長老作東軒記元祐初起為中書舍人翰林學士門下侍郎 三子遲迺遠 孫簡籀 譔 詡 材 麓 森 從姪安節 千乘 千能 千之

風神蕭散

蘇庠字養直有詩名清江曲云長占煙波弄明月坡謂置太白集中誰疑其非 元豐中居廬山與徐師川同召庠不起二公對庠拈一子笑曰今日須還老夫天下此一着徐有愧色 曾中本無軒冕是以風神筆墨皆自蕭散非慕名而隱者也 弟為僧名祖可詩亦多佳

練氣

蘇澄善養生年八十餘容貌甚少曰不過精思練氣耳

(婚姻)

蘇耆才器過人王旦以女妻之 子舜欽杜衍愛其才謂其文章學業天下第一以女妻之

重母黨

蘇洵娶大理寺丞程文應之女追封成國夫人有女幼好孝長能文適母兄程潛之子之才詩云鄉人嫁娶重母黨雖我不肯將安云

姊妹繼室

蘇軾娶鄉貢進士王弗女繼室又其從女弟也

纏紅

蘇伯達女名阿巽初與山谷小兒議婚後契闊不成乃適范子功之孫湜字箕叟者

擇婿為相

信都蘇氏巨室也有十女擇良婿張文成往見焉蘇曰子雖有才不能富貴得五品官即死 魏知古時方及第蘇曰此雖黑小必貴以長女妻之女髮長七尺黑光如漆相者云大富貴後知古拜相女封夫人

璇璣圖

蘇蕙字若蘭適將軍竇滔 又鎮襄陽携寵姬趙陽臺之任蘇織回文錦題詩二百餘首凡八百四十字名璇璣圖以獻滔 善遇之 滔符秦人

○ 流蘇 大蘇 姑蘇 屠蘇

(吳)

羽音 延陵 周太王泰伯仲雍封吳子孫以國為氏

兵法

吳起衛人善用兵仕魏與武侯浮西河而下論在德不在險

與田文論功去魏適楚 又悼王聞其賢以為相

掛劍

吳季札聘魯過徐 又君好季札劍口不敢言季札心知之為使  
上國未獻還至徐徐君已死解劍繫徐君冢樹而去從者曰徐  
君已死尚誰予乎季子曰始吾以心許之豈以死倍吾心哉

番君

吳南秦時為番陽令甚得江湖間心號曰番君

治平第一

吳公漢文時為河南守治平為天下第一

八戰八克

吳漢字子顏佐光武中興 伐蜀與公孫述戰廣都成都之間  
八戰八克帝曰吳公差強人意隱若一敵國矣位大司馬封廣  
平侯 繪像雲臺

四行

吳祐字季英漢相帝時舉孝廉以四行遷膠東相 四行敦厚  
質朴遜讓節儉也 與公沙穆定交杵臼之間

酌貪泉

吳隱之字處默介立有清操日晏飲菽澹石無儲與韓康伯隣  
居康伯母殷氏謂康伯曰汝掌銓衡必事如此輩人後為廣州  
刺史酌貪泉飲之吟曰古人云此水一飲懷千金試使夷齊飲  
終當不易心及歸妻劉氏齎沈香一片隱之見之投于湖亭之  
水 晉義熙年間為度支尚書以竹蓬為屏風坐無氈席 廣  
州十賢堂滕修吳隱之王緝宋璟李商隱李勉孔幾賈鈞蕭倣  
盧奐前後有清節者

羽扇渡水

吳猛晉人少有孝行夏月手不驅蚊恐其去而噬親下義授以

神方後因回豫章江波甚急以白羽扇畫水而渡後從許君學  
仙道得飛外宋朝封神烈真人

薦士

吳武陵唐元和中為太常博士時禮侍崔郾試進士東都武陵  
謂曰君為天子求奇士敢獻所益袖中書措笏為郾讀之乃  
杜牧阿房賦曰請以第一處之

三傑

吳少微唐人與魏谷倚富嘉謨並負文辭時稱北京三傑

十哲

吳罕唐咸通末京兆府解試又月中桂詩李建州主試得許崇  
張喬俞坦之劇燕任濤吳罕張蠟周繇鄭谷李栖遠温憲謂之  
十哲

畫聖

吳道玄字道子善畫下筆如有神助傳筆法於張旭張號書顛  
吳為益聖元宗詔畫大同殿寫蜀中嘉陵二百里山水一日而  
畢

鑿坡

吳通玄弟通微唐貞元中同時為翰林學士移院金鑿坡下極  
承春遇

策入三等

吳育字春卿舉制利策入三等直史館修太常禮四十卷

慶曆中參大政謚正肅

良史

吳兢唐汴州人直史館私撰唐春秋號良史

鐵御史

吳中復字仲庭孫抃未識之舉為監察御史曰昔人耻為呈身

御史今豈求識面臺官以風力稱於世仁宗書鉄御史三字賜之兄幾復弟嗣復子立禮為御史直言不避有父風

孫吳兵法 吳玠字晉卿少沉毅尚氣節日讀七書用兵本於孫臏吳起佐高宗中與保有全蜀上賜御戰袍曰大丈夫當自結主知何必附人而進 紹興中進開府儀同三司 謚武安

兵陣圖

吳璘字唐卿長負氣節善騎射著兵法二篇上篇兵要下篇陣圖鎮武興二十年民安之如一日中興名將也乾道初加太傅封新安郡王謚武順

父子兄弟建節

玠子拱璘子挺俱帶節宋朝兄弟建節者七家玠璘其一拱挺其二也

○吳傑字正儀潤州人唐韓熙載曰中林之蘭蕙也

○吳迪吉吳君裕八人會飲賦歸堂賦詩見饒氏

女相如

吳降仙以紅箋進詩於帝又曰降仙才調女相如也

繡襦甲帳

吳采鸞吳仙君女也瑞州有崇元觀乃丁義女秀英煉丹之所吳就孝焉後有文蕭以中秋日到西山遊觀見一姝歌詞脫俗詩云若能相伴陟仙壇應得文蕭駕采鸞自有繡襦并甲帳瓊臺不怕雪霜寒與生携手下山歸鍾陵為夫婦一紀各跨一虎陟峯齋而去

賣犬

吳德之將嫁女謝石知其貧素移厨帳助其經營使者至見其

婢方牽犬賣之此外蕭然無辨時為謝石主簿也

配名士

吳氏越州山陰人一女天性孝謹言德功容人鮮儷焉父母謂必得名士乃可配時李夔擢高弟特以妻之吳望族李寒素夫人能盡婦道李後為中大夫 ○ 三吳 東吳 女於吳 娶於吳 平吳 天吳



羽首 河內 周武王第二子邲叔後以國為氏

明容駟馬

漢于公門閭壞父老共治之公曰少高大令容駟馬高蓋車我治獄多陰德子孫必有與者 子定國其露中拜相封西平侯 孫末為御史大夫

名將

魏于禁字文則假節鉞為虎威將軍雖古名將無以加之

黑稍公

于栗磾材力過人好持黑稍劉裕遺之書題曰黑稍公麾下北魏明元帝因授黑稍將軍

三老

于謹字思敬後周時位太師為大屨之棟梁作巨川之舟楫者年碩德壽高望重為三老賜延年杖封藍田縣公

三代學士

于志寧字仲謐唐太宗時瀛洲十八學士志寧與焉 為右庶子撰諫苑二十篇能直言諫太子上賜金帛 曾孫休烈 又 二子益 肅 三代四學士

水利

于頔字允元為湖州刺史修復湖陂溉田三千頃憲宗朝拜司空平章



知人之鑑

于邵天寶末以書判超絕補校書郎有知人之鑑

玉音嘉賞

于公易或作公異在李晟幕下平朱泚公易作露布云臣肅清宮禁祇謁園陵鍾虡不移廟貌故德宗讀之泣下嘉嘆一再

婚姻

于顓謹之孫也美鬚眉宇文護以女妻之北史

于祐娶韓夫人紅葉是良媒

俞

醫國

俞拊良醫也太古有政伯俞拊中古有扁鵲秦和論病以及國原診以知證

二俞

俞紫芝字秀老有高行不娶得浮屠心法而工於詩荆公居鍾山與相往來尤愛重之秀老嘗有夜深童子喚不起猛虎一声山月高之句為荆公稱賞 俞濬字清老滑稽善譚洞曉音律荆公亦喜之一日見公云吾欲為浮屠公欣然為置祠部約日祝髮既而見公曰吾思僧亦不易為公所贈祠部已送酒家償舊債矣公為之大笑石林詩話

古君子

俞尚字退翁東坡與為友及卒有詩送其子節推云吳興古君子淡如朱絃琴一唱三嘆息至今有遺音

士風六弊

俞泉宋政和中為御史中丞言今日士風六弊 大觀中為中書舍人與李圖南蔡居厚同知貢舉

金山寺詩

俞似之廣州黔轄慈金山寺作兩詩其一云轉食膠擾間  
沐泉高步不容攀與來尚有平生履管領東南到處山其妻趙  
氏書于壁字畫溥健洒落不凡今日士風六大麟中為中  
○俞垣之咸通中十哲見吳罕 ○曰俞都俞

**符**

大宮音 河東

談辭如雲符融字偉明後漢人遊大學師事李膺幅巾奮袖談辭如雲膺  
每捧手嘆息知名公府連辟不應

**樂施**

符雅為人樂施乞人填門曰天下物何常今日富明日貧耳日  
位尚書令

**節婦**

符鳳妻字王英尤姝美鳳罪徙儋州為僚賊所殺脅王英欲私

之罵曰受賊辱不如死沈海而死

○符承祖齊人專權用事親姻爭趨其利

○符彥卿五代人歸宋為中書令女為太宗后

○ 同符

虎符

釵符

桃符

**符**

角音 河漢

本姓蒲氏人蒲洪以識文有草付應王  
改姓符氏洪子健即帝位至符堅始盛

千里駒

符朗字元達符堅從兄子也幼懷遠操不屑時榮堅曰吾家千  
里駒也 歸晉加散騎侍郎至揚州風流邁於一時謝安設宴  
請之朗在坐唾則令小兒跪而張口含出傾之

**蒲**

角音 河東

蒲洪先代其家池中蒲生長五丈五  
節如竹葉特謂之蒲家因以為氏至  
洪改姓符

人傑

蒲洪字廣世其人歸後趙石閔曰蒲洪人傑也

學士佩魚

蒲宗孟字傳正家多書敞閣曰清風戒子孫曰寒可無衣飢可無食讀書不可一日失 宋神宗朝為翰林學士上曰學士職清地近而官儀未備自今宜佩魚學士佩魚自蒲始

婚姻

蒲宗孟嘉祐中以右丞治蜀與周茂叔語三日夜退曰世有斯人邪明年以妹歸之 ○ 編蒲 團蒲 九節蒲

鳥

羽音 穎川

二龍

烏承玘唐開元中與族兄承恩皆為平盧先鋒沈勇而決號轅門二龍 為冠軍將軍封昌化郡王 子重胤

禮羅

烏重胤鎮河陽聘禮各七石洪温造韓愈送二處士序云以禮

為羅 又 而致之幕下 平蔡有功封邠國公 既歿士三十餘

人皆割股以祭 子漢弘醜爵

○ 屋烏 童烏 九烏 靈烏

塗

豫章 塗山氏之後 柳子塗山銘去塗山岩又界彼東國在紹興府山陰縣

金聲玉色

唐塗曉以中散大夫為江州刺史廉能可述號為金聲玉色

石室得道

塗定辭得道者也居石室貯五十萬才賞廉者不得一人

○ 漢塗揮為諫議大夫 與王璜受毛詩於孔安國

○ 晉塗欽以功封新吳侯 ○ 唐塗元琛為正議大夫

○ 泥塗 正塗 宦塗

塗

南昌 洪州人因水為姓 涂廩有唐人補豫章

須

渤海 須勾國之後 魏有須賈為中大夫賜號 睢縣抱漢有須无

(瞿)

山陽 桃源万壽宮有瞿童升天今有八跡壇在

(扶)

京兆 漢有扶嘉為廷尉

(都)

黎陽 漢有都督為臨淄侯

(安)

武陵 舜臣安折之後 漢有安嘉與夫

○ 黃帝神高軒大夫 與王無受子信於安國

甲集終

○ 黃帝神高軒大夫 與王無受子信於安國

○ 金鑿空也 中州大夫益山依神受第指百聖靈為金或汪色

金鑿空也

○ 金鑿空也

○ 金鑿空也 中州大夫益山依神受第指百聖靈為金或汪色

○ 金鑿空也

○ 金鑿空也 中州大夫益山依神受第指百聖靈為金或汪色

人習性期以終 于其能助德

○ 金鑿空也 中州大夫益山依神受第指百聖靈為金或汪色

